


1 2 3 4 5 6 7 8 9 20 1 2 3 4 5 6 7 8 9 20

C40-4614



B 64853

佛說阿閦佛國經卷上

後漢月支三藏支婁迦讖譯

阿閦佛發意受慧品第一

聞如是一時佛在羅閱祇耆闍崛山中與大比丘衆千二百五十人俱皆阿羅漢也生死已斷無復有結悉壞牢獄已得自在意已善解智慧爲度諸天龍王皆爲之伏所作已辦諸當爲者已脫重擔便得所有用正慧解意得自在所度無極獨阿難未也爾時賢者舍利弗起長跪又手白佛言善哉天中天昔者諸菩薩求無上正真道者行德號發意便得至號是諸

菩薩以義哀念安隱諸天及世間人爲作安諦多所
安隱於衆人民以義故哀念安定以大身於世間無
益哀傷諸天及人今現在及過去諸菩薩摩訶薩爲
現光明乃至法之明爲作照明令至佛光明而無有
名若有求菩薩道者當如昔諸菩薩摩訶薩所願及
行明照并僧那令入諸德號已聞者當如是學奉行
之學如是者卽爲成阿惟越致及無上正真道也佛
言善哉賢者舍利弗所問甚善汝乃問過去諸菩薩
摩訶薩所願及行照明并僧那令至所號念諸當來
菩薩令受取之諦聽是舍利弗善思念之爲汝解說

過去諸菩薩摩訶薩所施行舍利弗言唯然世尊願
樂欲聞佛語舍利弗有世界名阿比羅提其佛名大
目於彼爲諸菩薩摩訶薩說法及六度無極之行爾
時賢者舍利弗心念言我欲問如來天中天何所是
阿比羅提世界及大目如來無所著等正覺爲諸菩
薩摩訶薩說法及六度無極之行者乎時佛卽知賢
者舍利弗心所念告舍利弗言東方去是千佛刹有
世界名阿比羅提其佛名大目如來無所著等正覺
爲諸菩薩說法及六度無極之行時有比丘從座起
正衣服右膝著地向大目如來叉手白大目如來言

印 1 2 3 4 5 6 7 8 9 210 1 2 3 4 5 6 7 8 9 210

唯天中天我欲如菩薩結願學所當學者如是舍利弗其大目如來告其比丘言如結願學諸菩薩道者甚亦難所以者何菩薩於一切人民及蜎飛蠕動之類不得有瞋恚如是舍利弗其比丘白大目如來言天中天我從今已往發無上正真道意以意勸助而不離之用願無上正真道也當令無訛謗所語至誠所言無異唯天中天我發是薩芸若意審如是願爲無上正真道者若於一切人民蜎飛蠕動之類起是瞋恚第一意若發弟子緣一覺意第二意唯意念淫慾第三若發意念睡眠念衆想猶豫第四發意念狐

疑第五乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者若我發意念殺生者第一若發意念盜取他人財物第二若發意念非梵行者第三若發意念妄語第四若發意念悔恨第五乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者若我發意念罵詈第一若發意念惡口第二愚癡第三若發

意念綺語第四若發意念邪見第五乃至成最正覺
我爲欺是諸佛世尊諸不可計無央數不可思議無
量世界中諸佛天中天今現在說法者佛語舍利弗
其比丘如是爲已被是大僧那僧涅菩薩摩訶薩初
發是意乃於一切人民蜎飛蠕動之類意無瞋怒亦
無恚恨也舍利弗爾時其菩薩摩訶薩用無瞋恚故
名之爲阿閦用無瞋恚故住阿閦地其大目如來無
所著等正覺亦歡喜作是名四天王亦歡樂爲是名
天帝釋及梵三鉢亦歡樂作是名佛語舍利弗其阿
閦菩薩摩訶薩白大目如來無所著等正覺言唯天
中天我發是薩芸若意審如是不離願爲無上正真
道者不奉行如今所語常不捨得律行迹不發薩芸
若意而欲念成佛者世世不常作沙門世世不常著
補納之衣世世作沙門以三法衣不具乃至成最正
覺我爲欺是諸佛世尊諸不可計無央數不可思議
無量世界中諸佛天中天今現在說法者唯天中天
我發薩芸若意審如是願爲無上正真道者世世不
常爲人說法世世不常作法師世世所說事不有無
所呈礙高明之行世世不有無量高明之智世世作
沙門不常行分衛乃至成最正覺我爲欺是諸佛世

尊諸不可計無央數不可思議無量世界中諸佛天
中天今現在說法者唯天中天我發是薩芸若意審
如是願爲無上正真道者世世作沙門已不常在樹
下坐世世不常精進行三事何等三二者經行二者
坐三者住世世若發意念罪本妄語欺人誹謗讒言
世世爲女人說法及餘因緣若起想著笑爲說法者
乃至成最正覺我爲欺是諸佛世尊諸不可計無央
數不可思議無量世界中諸佛天中天今現在說法
者唯天中天我發是薩芸若意審如是願爲無上正
真道者世世若舉手說法世世見餘菩薩不發佛心

世世若發意念供養外異道人捨諸如來世世若在
座上聽法乃至成最正覺我爲欺是諸佛世尊諸不
可計無央數不可思議無量世界中諸佛天中天今
現在說法者唯天中天我發是薩芸若意審如是願
爲無上正真道者世世若發意念我當與某處立福施於某
布施與某世世若發意念我當與某處立福施於某
處不立福施世世若發意念我常持法施與某不持
法施與某世世見孤窮困其人故不自分身命乃至
成最正覺我爲欺是諸佛世尊諸不可計無央數不
可思議無量世界中諸佛天中天今現在說法者唯

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

1 2 3 4 5 6 7 8 9 20123456789

20123456789

20123456789

經

佛說阿彌陀經卷第一

三

月一

天中天我發是薩芸若意審如是願爲無上正真道者我世世於諸菩薩所意無有異至無上正真最正覺也佛語舍利弗爾時其比丘如是如來無所著等正覺爲作保任若如來爲作保任者諸天阿須輪世間人民亦爲作保任爾時大目如來爲作保任時諸天阿須輪世間人民亦爲作保任佛言若復有比丘菩薩摩訶薩以是色像僧那求無上正真道者皆當成無上正真道最正覺佛語舍利弗其阿閦菩薩白大目如來無所著等正覺唯天中天我發是薩芸若意審如是願爲無上正真道者令我成最正覺時其

刹所有比丘比丘尼優婆塞優婆夷若有罪惡者及讒罪惡者我爲欺是諸佛世尊諸不可計無央數不可思議無量世界中諸佛天中天今現在說法者復次天中天我當修行乃至成無上正真道最正覺令我佛刹諸弟子一切皆無有罪惡者我當修佛道至令佛刹嚴淨唯天中天我發是薩芸若意審如是願爲無上正真道者我若於夢中不失精進乃至成最正覺我爲欺是諸佛世尊諸不可計無央數不可忽議無量世界中諸佛天中天今現在說法者復次天中天我當修行乃至成無上正真道最正覺令我佛

卷

佛說阿彌陀經卷第一

六

月一

利中諸菩薩出家爲道者於夢中不失精進唯天中
天我發是薩芸若意審如是願爲無上正真道者世
間母人有諸惡露我成最正覺時我佛刹中母人有
諸惡露者我爲欺是諸佛世尊諸不可計無央數不
可思議無量世界中諸佛天中天今現在說法者是
爲菩薩法事如意所念行佛亦爲如應說法佛語舍
利弗爾時有一比丘謂阿閦菩薩摩訶薩乃作是結
願若使不退轉者當以右指按地令大震動爾時阿
閦菩薩應時承佛威神自蒙高明力乃令地六反震
動阿閦菩薩摩訶薩所感動如語無有異也佛語舍
利弗若有菩薩欲成無上正真道最正覺當學阿閦
菩薩摩訶薩行菩薩摩訶薩以學阿閦菩薩行者不
久亦當卽取佛刹土當復成無上正真道最正覺也
爾時賢者舍利弗問佛言天中天阿閦菩薩摩訶薩
初發意時有幾何天在會中佛告舍利弗阿閦菩薩
初發意學時三千大千世界中四天王天帝釋及弊
魔梵三鉢一切皆向阿閦菩薩又手說是語昔所不
聞是僧那諸天聞已便說言阿閦菩薩成無上正真
道若有人生其佛刹者是人福德不少也賢者舍利
弗白佛言未曾聞餘菩薩摩訶薩以是色像學僧那

12345678920123456789

1 2 3 4 5 6 7 8 9 20123456789

我亦不見亦不聞如阿閦菩薩摩訶薩及天中天爲作如是之名佛言如是也舍利弗少有菩薩摩訶薩以是色像學僧那及無上正真道如阿閦菩薩摩訶薩於是舍利弗跋陀劫中諸菩薩摩訶薩其德不及阿閦菩薩摩訶薩之功德也佛語舍利弗爾時大目如來無所著等正覺授阿閦菩薩無上正真道決汝當來作佛號名阿閦如來無所著等正覺成慧之行而爲師父安定世間無上大人爲法之御天上天下尊佛天中天亦如提和竭佛授我決時佛語舍利弗大目如來授阿閦菩薩摩訶薩無上正真道決時其

三千大千世界皆爲大明譬我亦如是受無上正真道決時是三千大千世界皆爲大明復次舍利弗其阿閦菩薩摩訶薩成無上正真道最正覺得薩芸若慧時其三千大千世界六反震動譬我亦如是成無上正真道得薩芸若慧時是三千大千世界六反震動復次舍利弗阿閦菩薩摩訶薩受無上正真決時是三千大千世界中諸藥樹木一切皆自屈低向阿閦菩薩作禮譬我亦如是成無上正真道最正覺得薩芸若慧時是三千大千世界諸藥樹木一切皆自曲低向我作禮復次舍利弗其大目如來無所著等

1 2 3 4 5 6 7 8 9 20123456789

正覺授阿閦菩薩摩訶薩無上正真道決時其三千大千世界中諸天龍鬼神捷沓恕阿須輪迦留羅真淹羅摩休勒一切皆向阿閦菩薩又手而作禮譬我亦如是成無上正真道最正覺得薩芸若慧時三千大千世界諸天龍鬼神捷淹羅阿須輪迦留羅真淹羅摩休勒皆向我又手作禮復次舍利弗其大目如來無所著等正覺授阿閦菩薩摩訶薩無上正真道決時遍三千大千世界諸姪身女人皆安隱產盲者得視聾者得聽譬我亦如是成無上正真道最正覺得薩芸若慧時是三千大千世界諸姪身女人皆安

隱產盲者得視聾者得聽復次舍利弗大目如來無所著等正覺授阿閦菩薩摩訶薩無上正真道決時遍三千大千世界中人非人皆燒香譬我亦如是成無上正真道最正覺得薩芸若慧時遍三千大千世界中人非人皆燒香賢者舍利弗白佛言阿閦菩薩摩訶薩乃有是無極之德佛告舍利弗阿閦菩薩摩訶薩不但有功德不獨大目如來授其決如是不可稱說無央數功德得度無極復次舍利弗大目如來授阿閦菩薩摩訶薩無上正真道決時諸天阿須輪世間人其意皆安隱悉得其時譬我亦如是成無上

1 2 3 4 5 6 7 8 9 20123456789

正真道最正覺得薩芸若慧時諸天阿須輪世間人意皆得安隱悉得其時復次舍利弗大目如來授阿閎菩薩摩訶薩無上正真道決時和夷羅鬼神當隨後護之譬我亦如是成無上正真道最正覺得薩芸若慧時和夷羅鬼神常隨我後行復次舍利弗大目如來授阿閎菩薩摩訶薩無上正真道最正覺得薩芸若慧時諸天阿須輪世間人以天華天香供養之譬我亦如是成無上正真道最正覺得薩芸若慧時諸天阿須輪世間人以天華天香來供養復次舍利弗大目如來授阿閎菩薩摩訶薩無上正真道決

時三十億人及三十億諸天發無上正真道意大目如來無所著等正覺皆授其決復次舍利弗大目如來無所著等正覺授阿閎菩薩摩訶薩無上正真道決時其地大動自然生優鉢華蓮華拘文華分陁利華布其地譬我亦如是成無上正真道最正覺得薩芸若慧時其地大動自然生優鉢華蓮華拘文華分陁利華布其地復次舍利弗大目如來無所著等正覺授阿閎菩薩摩訶薩無上正真道決時若干百天人若干千天人若干百千諸天人住於虛空以天衣用散阿閎菩薩上卽說言是菩薩摩訶薩當疾成無

1 2 3 4 5 6 7 8 9 20123456789

上正真道最正覺也復次舍利弗大目如來授阿閦菩薩摩訶薩無上正真道決爾時諸天阿須輪世間人民相愛劇父母哀其子譬我亦如是成無上正真道最正覺時諸天阿須輪世間人民相愛劇父母哀其子也復次舍利弗大目如來授阿閦菩薩摩訶薩無上正真道決時其三千大千世界中諸天及人民承佛威神皆聞授阿閦菩薩決如是舍利弗昔授菩薩決時其此月中人民一心布施爲福德快飲食若有求索者已所喜而施與譬我亦如是成無上正真道最正覺時是三千大千世界中諸天及人民皆承

佛威神聞授決時如是舍利弗昔此月中人民一心布施爲福德快飲食若有求索者已所喜而施與復次舍利弗其大目如來授阿閦菩薩摩訶薩無上正真道決時諸欲界天人悉鼓天妓樂供養舍利弗是阿閦菩薩摩訶薩受決時之功德行賢者舍利弗自佛言難及天中天如來無所著等正覺誠諦說之不可思議諸佛佛之境界不可思議諸神神之境界不可思議諸龍龍之境界乃從阿閦菩薩摩訶薩初發意學受得此功德天中天是阿閦菩薩摩訶薩受決時亦不可思議是時賢者阿難謂賢者舍利弗阿閦

1 2 3 4 5 6 7 8 9 20 1 2 3 4 5 6 7 8 9

菩薩摩訶薩初發意學僧那及德號如是也舍利弗謂阿難言是皆有因緣所致阿閦菩薩摩訶薩初發意學僧那及德號今佛當廣解說之時佛告舍利弗言阿閦菩薩初發是意時可令虛空有異我所結願不可使有異彼僧那僧涅乃如是佛語舍利弗如阿閦菩薩摩訶薩所被僧那僧涅寶英菩薩摩訶薩亦從阿閦菩薩學行舍利弗無央數菩薩不能及知阿閦菩薩所被僧那僧涅甚堅積累德行乃如是舍利弗其阿閦菩薩以成無上正真道最正覺今現在阿比羅提世界阿閦如來無所著等正覺行菩薩道時

世世人求手足及頭目肌肉終不逆人意也舍利弗阿閦如來從初發意至成無上正真道最正覺不中
有頭痛亦無風氣上膈之病舍利弗是阿閦如來無所著等正覺昔行菩薩道時甚難及未曾有之法阿
閦如來昔行菩薩道時世世見如來一切常奉梵行
世世亦作是名阿閦菩薩從一佛刹復遊一佛刹所
至到處目常見諸天中天生於彼佛言舍利弗譬如
轉輪王得天下所從一觀復至一觀足未曾蹈地所
至常以五樂自娛得自在至盡壽如是舍利弗阿閦
如來行菩薩道行時世世常自見如來無所著等正

1 2 3 4 5 6 7 8 9 201 2 3 4 5 6 7 8 9 20

覺常修梵行於彼所說法時一切皆行度無極少有行弟子道彼所行度無極爲說法有立於佛道者便勸助爲現正令歡喜踊躍皆令修無上正真道便發是大尊意彼說法時諸所德本以願持作無上正真道我持是德本願無上正真道成最正覺時說法令我佛刹中諸菩薩摩訶薩佛說法時承佛威神皆受諷誦持之諷誦已是諸菩薩摩訶薩從一佛刹復遊一佛刹意常樂諸佛天中天至成無上正真道最正覺我亦如是從一佛刹復遊一佛刹卽住於兜術天得一生補處之法佛復語舍利弗如是諸菩薩摩訶

薩從兜術天自以神力下入母腹中從右脇生菩薩生墮地時地爲大動以修行有是應菩薩在母腹中時都無有臭處亦無惡露亦無不可意時佛語舍利弗譬如神通比丘若入交露精舍於虛空中遊行周匝虛空中行於交露精舍無所觸礙如是舍利弗菩薩入母腹中時如在虛空中遊觀周匝無所觸礙亦無臭處其阿閦如來昔行菩薩道時如是我亦如是行無上正真道時一切皆破壞魔事我如是成無上正真道最正覺阿閻佛刹求菩薩道及求弟子道者皆破壞諸惡降伏魔衆一切皆盡其佛刹人民不復

作魔事我當修是佛道隨至得出家學道佛語舍利
弗阿閦如來無所著等正覺昔行菩薩道聽說法時
其身不生疲極意亦不念疲極舍利弗阿閦如來者
求菩薩道聽說法時如是好法令我佛刹中諸菩薩
摩訶薩好法如是

阿閦佛刹善快品第二

賢者舍利弗白佛言天中天是阿閦如來無所著等
正覺昔行德號時以成號阿閦如來甚善天中天願
佛當復廣說其佛刹之善快所以者何若有求菩薩
道者聞知彼佛刹之善快及阿閦如來所現行教授

若復有求弟子道未得度者聞彼佛刹之善快及阿
閦如來所現教授恭敬清淨之行佛言善哉善哉舍
利弗所問甚善汝問佛善快乃如是念阿閦佛刹之
善快阿閦如來成無上正真道最正覺得薩芸若慧
時其三千大千世界皆爲大明地六反震動阿閦如
來成最正覺時其三千大千世界中諸人民七日不
食飲亦不妄食飲亦不妄諛詭身亦無疲極之想如
是也俱想念安隱好喜相愛意歡喜意以得時念爾
時諸人民諸欲天皆棄穢濁思想所以者何用阿閦
如來昔時願所致得是德號其三千大千世界一切

人民又手向阿閦如來其佛刹如是無央數佛刹不及是阿閦佛刹之善快舍利弗是爲阿閦如來昔行菩薩道之所願而有持諸菩薩摩訶薩所願有持者佛刹便善快佛語舍利弗我昔行菩薩道時如所願今自然得之阿閦如來成無上正真道最正覺時其三千大千世界諸人民得天眼者未得天眼者皆見其光明舍利弗是爲阿閦如來昔行菩薩道時所願而有持佛復語舍利弗阿閦如來成無上正真道最正覺往詣佛樹時諸弊魔不能發念何況當復能往燒薩芸若舍利弗是爲阿閦如來昔行菩薩道時所

願而有持復次舍利弗阿閦如來成無上正真道最正覺得薩芸若慧時無央數那術億百千諸天人於虛空住以天華天栴檀雜香天擣香妓樂供養散阿閦佛上供養已其天華天香天擣香天栴檀香天雜香悉於虛空中合住化成圓華益舍利弗是爲阿閦如來昔行菩薩道時所願而有持阿閦如來光明皆照明三千大千世界常明阿閦如來光明悉蔽日月之光明及一切諸天光明皆令滅使人民不復見日月之明舍利弗是爲阿閦如來昔行菩薩道時所願而有持賢者舍利弗白佛言天中天阿閦如來無所

著等正覺昔行菩薩道時以被是大僧那僧涅乃作
是願佛言昔行菩薩道時若干百千人不可復計無
央數人積累德本於無上正真道持是積累德本願
作佛道及淨其佛刹卽如所願欲嚴其佛刹卽亦具
足其願復次舍利弗阿閦佛刹樹以七寶作之高四
十里周帯二十里其枝葉傍行四十里其枝下垂其
欄楯繞樹周帯五百六十里阿閦如來於其樹下得
薩芸若慧佛語舍利弗如世間工巧人鼓百種音樂
其聲不如阿閦佛刹中梯陞樹木之音聲風遍起吹
梯陞樹木相扣作悲聲佛語舍利弗聽說阿閦如來

無所著等正覺刹中之善快諦聽善思念之今當爲
汝說之賢者舍利弗言唯然世尊願樂欲聞佛言阿
閦如來刹中無有三惡道何等爲三一者泥犁二者
禽獸三者薜荔一切人皆行善事其地平正生樹木
無有高下無有山陵溪谷亦無有礫石崩山其地行
足蹈其上卽陷適舉足便還復如故譬如綻綻枕頭
枕其上卽爲陷適舉頭便還復如故其地如是其佛
刹無有三病何等爲三一者風二者寒三者氣其佛
刹人一切皆無有惡色者亦無有醜者其姪怒癡薄
其佛刹人民皆悉無有牢獄拘閉之事一切皆無有

衆邪異道其刹中樹木常有華實人民皆從樹取五
色衣被衆共用著之其衣被甚殊妙無敗色者佛語
舍利弗人民所著衣香譬如天華之香其飯食香美
如天樹香香無有絕時諸人民著無央數種種衣服
其佛刹人民隨所念食卽自然在前譬如舍利弗忉
利天人隨所念食卽自然在前如是其刹人民隨所
念欲得何食卽自然在前人民無有貪於飲食者復
次舍利弗其佛刹人民所卧起處以七寶爲交露精
舍滿無有空缺處其浴池中有八味水人民衆共用
之其水轉相灌注諸人民終不失善法行譬如舍利
弗玉女寶過踰凡女人不及其德如天女如是舍利
弗其佛刹女人德欲比玉女寶者玉女寶不及其佛
刹女人百倍千倍萬倍億倍巨億萬倍不與等人民
以七寶爲床上布好綻紵悉福德致自然爲坐舍利
弗是阿閦如來無所著等正覺昔行菩薩道時所願
而有持阿閦佛以福德所致成佛刹如是比佛復語
舍利弗言其刹中人民飯食勝於天人飯食其食色
香味亦勝天人所食其刹中無有王但有法王佛天
中天佛言舍利弗譬如鬱單曰天下人民無有王治
如是舍利弗阿閦如來無所著等正覺佛刹無有王

但有阿閦如來天中天法王譬如忉利天帝釋於座
適發念諸天便來受其教舍利弗是爲阿閦如來佛
刹之善快其刹人民不從姪欲之事所以者何用是
阿閦如來真人法御天中天所致舍利弗是爲阿閦
如來昔行菩薩道時願所致令佛刹善快爾時有異
比丘聞說彼佛刹之功德卽於中起姪欲意前白佛
言天中天我願欲往生彼佛刹佛便告其比丘言癡
人汝不得生彼佛刹所以者何不以立姪欲亂意著
得生彼佛刹用餘善行法清淨行得生彼佛刹佛語
舍利弗阿閦如來佛刹有八味水是諸人民所爲悉

共用之人民意念欲令自然浴池有八味水滿其中
用人民故卽自然有浴池有八味水滿其中意念欲
令水轉流行便轉流行意欲令滅不現卽滅不現其
佛刹亦不大寒亦不大熱風徐起甚香快是風用諸
天龍人民故隨所念風便起若一人念欲令風起自
吹風卽獨吹之意念不欲令風起風便不起風起時
不動人身風隨人所念起舍利弗是爲阿閦如來佛
刹之善快如昔時所願佛語舍利弗阿閦如來佛刹
女人意欲得珠璣瓔珞者便於樹上取著之欲得衣
被者亦從樹上取衣著之舍利弗其佛刹女人無有

女人之態如我刹中女人之態也舍利弗我刹女人
態云何我刹女人惡色醜惡舌嫉妬於法意著邪事
我刹女人有是諸態彼佛刹女人無有是態所以者
何阿閎如來昔時願所致佛復語舍利弗阿閎佛刹
女人妊身產時身不疲極意不念疲極但念安隱亦
無有苦其女人一切亦無有諸苦亦無有臭處惡露
舍利弗是爲阿閎如來昔時願所致得是善法其佛
刹無有能及者舍利弗阿閎佛刹人民無有治生者
亦無有販賣往來者人民但共同快樂安定寂行其
佛刹人不著愛欲淫泆以因緣自然受樂其刹風起

吹梯陞樹便作悲音聲舍利弗極好五音聲不及阿
閎佛刹風吹梯陞樹木之音聲也舍利弗是爲阿閎
如來昔行佛道時所願而有持佛語舍利弗若有菩
薩摩訶薩欲取嚴淨佛刹者當如阿閎佛昔行菩薩
道時所願嚴淨取其刹佛復語舍利弗阿閎佛刹無
有日月光明所照亦無有杳冥之處亦無有星礙所
以者何用阿閎如來無所著等正覺光明皆照三千
大千世界常明譬如交露精舍堅閉門風不得入好
細塗以白堊之持摩尼寶著其中其珠便以光明照

其中諸人民晝夜承其光明如是舍利弗其阿閎如

1 2 3 4 5 6 7 8 9 20123456789

來無所著等正覺光明常照三千大千世界舍利弗
交露精舍者謂是阿比羅提世界也摩尼寶者謂是
阿閎如來也摩尼寶光明者謂是阿閎如來之光明
也精舍中人者謂是阿閎佛刹中人民安樂者也佛
語舍利弗阿閎如來行所至處於足迹下地自然生
千葉金色蓮華舍利弗是爲阿閎如來昔行菩薩道
時所願而有持賢者舍利弗問佛言阿閎如來無所
著等正覺入殿舍時自然生千葉金色蓮華耶爲在
所至處自然生乎佛告賢者舍利弗阿閎如來若入
郡國縣邑所至到處亦等如入殿舍時也亦自然生

千葉金色蓮華若善男子善女人意念欲令人殿舍
足下自然生蓮華者皆使蓮華合聚一處便合聚意
欲令上在虛空中承佛威神其蓮華用人民故便上
在虛空中而羅列成行佛復語舍利弗其三千大千
世界乃如是阿閎如來無所著等正覺若遣化人到
他方異世界彼亦自然生以佛威神所致其三千大
千世界以七寶金色蓮華而莊嚴之

傳說阿閎佛國經卷上

音釋

阿閎

梵語也此云無動閎初六切

蜎

繁員切蟲行貌蠅乳兌切

蠕

動也僧涅槃語

1 2 3 4 5 6 7 8 9 10 11 12 13 14 15 16 17 18 19 20

也此云著又梵語云僧那此云鎧
僧涅僧那謂著鎧也涅乃結切 薩芸若 梵語也
一切智若鑄咸切 捷沓惄 云香陰捷巨言切沓達
爾者切譏諸也 合妊身 妊汝鳩也 剪也劇 竭戰切 跖 跖也 切 齒
一切孕也 剪甚也 梯陞 梯天黎切木階也陞
諭諭容未切 脣 烏突也 脣部禮切升堂之階也
薛荔多此云餓鬼 薛荔狼狽切 碣 小石也 縱綻 縱於阮切
毘意切荔力霽切 白堊 土過鄂切以白堊也

吳江居士沈贊爲
先考 詔封員外郎瀛山府君資萬冥福施刻
佛說阿閦佛國經上卷 計字七千九百十個
該銀三兩九錢五分五厘
襄陽釋性融對上元王自謙書溧水些司禹刻
萬曆癸丑歲春正月徑山化城識

佛說阿閦佛國經卷中

後漢月支三藏支婁迦讖譯

弟子學成品第三

佛復語舍利弗阿閦如來說法時於一一說法之中不可計無央數人隨律之行至有作阿羅漢道證者如是比丘無央數諸弟子聚會及復得八惟務禪者阿閦如來佛刹諸弟子衆不可復計佛語舍利弗我都不見持計者與校計詎能計數其衆會者也已脫重擔離於牢獄遠於波頭犁阿羅羅犁阿比舍犁阿優陀犁如是舍利弗衆會不可計數諸善男子是弟

子智慧無央數不可計衆在須陀洹斯陀含阿彌舍
阿羅漢道也若懈怠者得須陀洹爲七生七死是說
法時其人爲不得上持爲七生七死阿閦如來說法
時第一說法作須陀洹道證第二說法作斯陀含道
證第三說法作阿彌舍道證第四說法作阿羅漢道
證者其佛刹謂是善男子爲懈怠用不一坐聽法作
阿羅漢道證故其刹須陀洹不復七上下生死便於
人間坐禪得三昧須陀洹卽於彼自以威神力作阿
羅漢道證其刹斯陀含不復往還世間以棄衆苦便
於彼得三昧斯陀含便於其刹自以威神力作阿羅

漢道證其刹阿彌舍不復上生波羅尼蜜和耶越天
便於彼自以威神力作阿羅漢道證其刹阿羅漢不
上下便於彼至無餘泥洹界般泥洹其刹說沙門四
道如是至令得道果佛言舍利弗若善男子善女人
於法自在者不復失學住亦不失學餘事如是於不
學地便般泥洹也無所學地謂是阿羅漢地舍利弗
是爲阿閦如來無所著等正覺刹諸弟子學成無有
麤立在上好要處者謂是阿閦如來刹弟子衆阿羅
漢也生死已斷所作而辦所當爲者已脫重擔便得
所有盡壞勤苦牢獄之事以中正解復知八維無禪

阿羅漢行八維無禪舍利弗是爲阿閦如來刹弟子之善行是爲阿羅漢之功德所爲法行其刹以三寶爲梯陞一者金二者銀三者瑠璃從忉利天下至閻浮利地其忉利天人欲至阿閦如來所時從是梯陞下忉利天人樂供養於天下人民言如我天上所有欲比天下人民者天上所有大不如天下及復有阿閦如來無所著等正覺也佛語舍利弗忉利天人樂供養天下人民天下人若上至忉利天者便不樂供養忉利天人所以者何我天下佛說經如我天下所有於是天上無也不如我天下所有我天下樂供養

有佛忉利天見天下人民天下人民遙見忉利天宮殿譬如此刹天下人遙見日月星辰殿舍如是舍利弗其佛刹天下人遙見諸天宮殿如是及欲行天承佛威神所致是爲阿閦如來佛刹所有善快佛復語舍利弗阿閦如來佛刹三千大千世界皆說法四輩弟子滿三千大千世界無空缺阿閦佛刹弟子意不忘念今日當於何食今日誰當與我食亦不行家家乞時到飯食便辦滿鉢自然在前卽取食食已鉢便自然去其刹飯食如是諸弟子不復行求衣鉢也亦不裁衣亦不縫衣亦不浣衣亦不染衣亦不作衣亦不

教人作以佛威神所致同共安樂自然生阿閦如來
不爲諸弟子說罪事如我爲諸弟子說十四句法阿
閦如來不爲諸弟子說如是之法所以者何其刹無
有行惡者阿閦佛不復授諸弟子戒所以者何其刹無
刹人無有短命者亦無弊惡人無有穢濁劫亦無有
諸結無有穢濁見其刹以除諸穢濁佛復語舍利弗
阿閦佛說法時諸弟子便度於習欲所以者何以棄
於惡道故其刹衆弟子終無有貢高橋慢不如此刹
諸弟子於精舍行律其刹弟子無有作是行者也所
以者何舍利弗用其人民善本具足故所說法悔過

各得其所其刹不說五逆之事一切皆斷諸逆以諸
弟子不貪飲食亦不貪衣鉢亦不貪衆欲亦不貪者
也爲說善事行所以者何用少欲知止是故舍利弗
阿閦佛不復授諸弟子戒如我於此授諸弟子戒所
以者何其刹無有惡者是謂弟子但以苦空非常非
身以是爲戒其刹亦無有受戒事譬如是刹正士於
我法中除鬚髮少欲而受我戒所以者何其阿閦佛
刹諸弟子得自在聚會無有怨仇舍利弗阿閦佛刹
諸弟子不共作行便獨行道不樂共行但行諸善其
刹無有過精進者亦不可見懈怠者舍利弗是爲阿

閻如來佛刹出家諸弟子之德行佛語舍利弗阿閦
如來爲諸弟子說法時弟子不左右顧視一心聽經
中有住聽經者身不知疲極中有坐聽經者身亦不
知疲極意亦不令疲極也阿閻如來於虛空中說法
時諸弟子悉聽之是時得神足比丘未得神足比丘
承佛威神皆於虛空中行而聽法者是諸弟子於虛
空中以三品作行何等三一者住二者經行三者坐
中有坐般泥洹波藍坐居而般泥洹者諸弟子皆般
泥洹時地卽爲大動般泥洹已諸天人共供養之
中有阿羅漢身中自出火還燒身而般泥洹中有阿

羅漢般泥洹時自以功德行如疾風中有譬如五色
雲氣於空中行便不復知處中有弟子自以功德便
沒去不復知處所般泥洹如是中有般泥洹時於虛
空身中放水其水不墮地便滅不現其刹如是清淨
而今身滅不現其刹如是清淨令身滅不現而般泥
洹諸弟子般泥洹如是也舍利弗是爲阿閻如來無
所著等正覺昔行菩薩道時所願而有持成無上正
真道諸弟子以是三品般泥洹復次舍利弗阿閻如
來佛刹諸弟子無央數不可計諸弟子少有不具足
四解之事者多有得四解事具足者諸弟子少有不

得四神足安隱行者多有得四神足安隱行者舍利
弗是爲阿閦如來佛刹諸弟子所成德行賢者舍利
弗白佛言阿閦如來無所著等正覺佛刹諸弟子所
行皆是無極者也

諸菩薩學成品第四

爾時賢者舍利弗心念言佛已說弟子所學成願佛
嘗復說諸菩薩所學成所以者何皆當學成是諸菩
薩所照光明時佛卽知賢者舍利弗心所念卽告舍
利弗其阿閦如來無所著等正覺佛刹有若干百菩
薩若干千菩薩若干億菩薩若干億百千菩薩大會
如是佛語舍利弗諸菩薩摩訶薩於阿閦佛所下鬚
髮皆承佛威神悉受法語諷誦持之如我於是所說
法猶爲薄少耳阿閦佛所說法無央數不可復計比
我所說法百倍千倍萬倍億萬倍不在計中舍利弗
是爲阿閦如來昔行菩薩道時所願我成無上正真
道最正覺時令我佛刹諸菩薩我說法時令諸菩薩
皆承佛威神悉受諷誦持之佛復語舍利弗爾時諸
菩薩摩訶薩皆承佛威神受所說法諷誦持是諸菩
薩摩訶薩自生意念欲從其刹至他方世界俱至諸
如來所聽所說法爲諸佛世尊作禮諷誦之復重問

意解爲諸佛作禮諷誦已重問意解已便復還至阿
閎如來所佛語舍利弗是波陁劫中當有千佛甫始
四佛過菩薩摩訶薩欲見是諸佛者當願生阿閎佛
刹若有善男子善女人於是世界若他方世界終亾
往生阿閎佛刹者甫當生者卽當得住弟子緣一覺
地所以者何其有因緣見如來者及衆僧爲以斷弊
魔羅網去得近弟子緣一覺及佛地當得無上正真
道最正覺其人爲以成如來爲已見諸菩薩摩訶薩
之事菩薩生阿閎佛刹者其行皆住清淨爲行諸法
爲在諸法士爲已住於法爲佛道不可動轉復當堅
住阿惟越致佛語舍利弗若善男子善女人於是世
界若他方世界終亡生其刹者等輩得入諸佛住其
菩薩爲得覺意入無恐懼覺意菩薩合會於智慧度
無極在所各同義見世尊知所住其佛刹諸菩薩摩
訶薩在家者止高樓上出家爲道者不在舍止佛告
舍利弗阿閎佛說法時諸菩薩摩訶薩承佛威神皆
受法語諷誦持之其不出家菩薩摩訶薩不面見佛
所說時在所坐處承佛威神皆亦聞法語聞已卽受
諷誦持之其出家菩薩摩訶薩身自面見佛說法時
及所行至坐處亦承佛威神皆聞聞已卽受諷誦持

1 2 3 4 5 6 7 8 9 10 11 12 13 14 15 16 17 18 19 20

經

阿閦佛國經

世

別二

是菩薩摩訶薩終亡已後俱持法語所至生諸佛刹
續念之舍利弗是爲阿閦佛之善快所以者何如昔
所願自然得之佛語舍利弗若有一世菩薩摩訶薩
欲見若干百佛若干千佛若干萬佛若干億佛術百
千佛者當願生阿閦佛刹菩薩已生阿閦佛刹者便
見若干百佛若干千佛若干億萬佛若干億佛術百
千佛當於其刹種諸德本當爲無央數百千人無央
數百千億人無央數億佛術百千人說法亦當令種
德本佛言舍利弗若菩薩摩訶薩於是波陁劫中皆
供養諸所佛天中天衣被飯食牀卧具病瘦醫藥供

養以便出家學道悉於是諸佛天中天下鬚髮爲沙
門若復有菩薩摩訶薩不如於阿閦佛刹一世合會
行度無極得福多佛言舍利弗是福德善本行具足
百倍千倍萬倍巨億萬倍不與等舍利弗是爲阿閦
佛刹之善快佛語舍利弗若一世菩薩於是世界他
方世界終亾生阿閦佛刹者甫當生者皆得阿惟越
致所以者何其佛刹無有弊魔事在前立弊魔亦不
燒人佛言舍利弗譬如人呪力語呪毒呪蛇除其毒
便放捨其力不可勝救無央數人恐畏其蛇蛇亦不
恐人亦不燒觸人如是其人但以前世禪三昧行故

自以功德得滅於蛇毒如是舍利弗阿閦佛昔求菩薩道時行願德本如是乃得佛道消除於弊魔毒不復娆人阿閦佛成無上正真道最正覺時弊魔不能復來娆亦不能復娆諸菩薩摩訶薩及凡人一切皆不復娆三千大千世界中人如是先坐三昧寂定以自威神生和耶越致天於彼以前世因緣行廣普亦於和耶越致天以因緣三昧以自威神寂寞以是比於彼說法炎天聞之聞已便得信歡喜來供養諸弟子炎天言乃作是無所著知止足空閑處作行其刹諸魔教人出家學道不復娆人舍利弗是阿閦佛刹

德之善快夜初鼓時先哀念人民欲令度脫諸菩薩及學弟子并凡人安隱寂寞行賢者舍利弗白佛言唯天中天若善男子善女人以七寶滿三千大千世界持用布施得生阿閦佛刹者其人不當惜也便當布施所以者何其人不復墮弟子緣一覺道所以者何其人卽爲立不退轉地從一佛刹復至一佛刹目常悉見諸佛皆悉諷誦諸佛道行當成無上正真道最正覺常當見若干百佛若干千佛若干億那術百千佛於彼積德本舍利弗白佛言天中天以是故善男子善女人以七寶滿三千大千世界布施得生阿

1 2 3 4 5 6 7 8 9 201123456789

卷中

佛說阿閦佛國經卷中

九

閻佛刹者其人當歡喜與便安隱至其佛刹佛言如是舍利弗菩薩摩訶薩爲安隱得生阿閻佛刹譬如出金地無有礫石亦無草木中有紫磨金人便取其金於火中試消合以作諸物著之如是舍利弗阿閻佛刹諸菩薩摩訶薩清淨微妙住清淨共會是諸菩薩摩訶薩行也其有生阿閻佛刹者甫當生者皆一種類道行悉等諸菩薩當成如來其人以過諸弟子緣一覺地是謂爲一類道無有衆邪異道菩薩欲得一類者當願生阿閻佛刹舍利弗是菩薩摩訶薩爲成阿惟越致阿閻佛爲受決以我不欲遣菩薩摩訶

薩至阿閻佛所譬如舍利弗轉輪王遣使者至諸小王所使持王寶物來於是聞王遣使者令諸小王來便愁憂涕泣用王寶物故夫人婦女及太子聞以寶物故皆畏王便往至大王所居城垣堅止頓其中得安隱不復恐見怨家穀貴若如是舍利弗我不欲遣諸菩薩至阿閻佛所譬如彼王以寶物故令諸夫人婦女及太子同等愁憂視求菩薩道人當如大王城所有寶處太子爲無有恐難觀阿閻佛刹當如大王弊魔見求菩薩道者如是不復燒亂譬如王邊臣難當如是舍利弗魔及魔天官屬不能當如來無所著

卷中

佛說阿閦佛國經卷中

十

二

1 2 3 4 5 6 7 8 9 20123456789

等正覺譬如孤寡恐懼之人畏對家便往至城中卽安對家人無那之何所以者何是人已離於對人得安隱處故如是舍利弗諸菩薩摩訶薩生阿閦佛刹者爲以斷魔及魔天之道其三千大千世界弊魔及魔天不復娆求菩薩道及弟子道人及阿閦佛刹魔及魔天不復起魔事亦不復娆復次舍利弗若有菩薩往生阿閦佛刹者甫當生者其人不復爲魔天之所娆也所以者何阿閦佛昔行菩薩道便作是願德本令我成無上正真道最正覺使我佛刹諸魔及魔天無有起魔事娆亂者譬如人飲毒復飲餘毒藥其

飲食便消其毒不行以等願故如是舍利弗阿閦佛昔時作是願德本乃至其佛刹諸魔及魔天子不復起魔事娆亂其佛刹所有德等乃如是爾時賢者舍利弗心念言願欲見其佛刹及阿閦佛并諸弟子等於是佛卽知舍利弗心所念卽令如其像三昧正受神足行承佛所致賢者舍利弗於其座中見阿閦佛刹及弟子等爾時佛告舍利弗言汝寧見阿閦佛及諸弟子并佛刹不對曰唯然見之天中天云何舍利弗汝意所知寧復有勝阿閦佛刹諸天及人不舍利弗白佛言天中天我不復知有城郭能勝者也其刹

1 2 3 4 5 6 7 8 9 10 11 12 13 14 15 16 17 18 19 20

諸天及人民無有邪道但有正道耳極相娛樂所以者何我見其佛刹皆以天物快飲食相娛樂阿閦佛在中央遍爲諸弟子說法譬如天中天人在大海中央不見東方山樹木之際亦不見南西北方樹木之際如是天中天阿閦佛刹諸弟子不可得東方崖亦復不可得南西方之崖如是思惟聞法身亦不動搖天中天於是思惟定身便不動搖阿閦佛刹諸弟子聽法身不動搖坐定如是聽法身亦不動搖若善男子善女人於是三千大千世界滿七寶施與布施已得生阿閦佛刹者當歡喜與其人便得安隱生阿

閻佛刹菩薩摩訶薩所以者何其人如是得爲阿惟越致譬如天中天有人持王書及糧食以王印封書往至他國其人行至他國縣邑中道無有殺者亦無有能燒者獨自往還無他佛言如是也舍利弗菩薩摩訶薩生阿閦佛刹甫當生者於是世界若他方世界終亾生阿閦佛刹者皆得阿惟越致便見無上正真道從一佛刹復遊一佛刹皆諷誦佛道事常樂於佛天中天至成無上正真道最正覺舍利弗白佛言天中天是間須陀洹道菩薩摩訶薩生阿閦佛刹者是適等耳所以者何須陀洹以斷截惡道住於道迹

1 2 3 4 5 6 7 8 9 2010 1 2 3 4 5 6 7 8 9 20

如是天中天若有菩薩摩訶薩生阿閦佛刹者甫當生者是人皆現斷惡道不復在弟子緣一覺地從一佛刹復遊一佛刹當樂於佛天中天及弟子至成無上正真道最正覺也佛言如是舍利弗若有菩薩摩訶薩於是世界若他方世界終亡生阿閦佛刹者爲以現過弟子緣一覺地從一佛刹復遊一佛刹皆諷誦諸佛道事皆面見諸如來至成無上正真之道最正覺譬如舍利弗須陁洹度脫異道惡法得道無有異如是舍利弗若有菩薩摩訶薩於是世界若他方世界終亡生阿閦佛刹者甫當生者其皆不復離無

上正真道從一佛刹復遊一佛刹皆諷誦諸佛道事常樂於佛天中天無上正真道至成無上正真道最正覺賢者舍利弗白佛言天中天是間斯陁含住往來地菩薩摩訶薩生阿閦佛刹者是適等耳天中天是間阿那含住不復還地菩薩摩訶薩生阿閦佛刹者是適等耳天中天是間阿羅漢住無所著地菩薩摩訶薩生阿閦佛刹者是適等耳佛告賢者舍利弗言莫得說是語所以者何是間菩薩摩訶薩受無上正真道決菩薩生阿閦佛刹者是適等耳復次舍利弗是間菩薩摩訶薩坐於佛樹下菩薩生阿閦佛刹

1 2 3 4 5 6 7 8 9 20

經
伊計阿闍世國經卷中

三

前二

者是適等耳所以者何舍利弗菩薩摩訶薩爲現如來弊魔不復能動搖過弟子緣一覺地從一佛刹復遊一佛刹常皆隨諸佛之教至成無上正真道最正覺爾時阿難心念言我欲試須菩提知報我何等言賢者阿難問賢者須菩提言唯須菩提爲見阿閦佛及諸弟子等并其佛刹不須菩提謂阿難言汝上向視阿難答言仁者須菩提我已上向視上皆是虛空須菩提謂阿難言如仁者上向見空觀阿閦佛及諸弟子等并其佛刹當如是爾時賢者舍利弗問言如屬天中天所說是聞菩薩摩訶薩受決菩薩生阿閦

佛刹者是適等耳天中天以何故等而等佛告舍利弗言用法等故而等

佛說阿閦佛國經卷中

音釋

詎日許切猶豈也縫符容切浣合管切濯怨仇怨於袁切
尤切怨讐也船泥洹梵語也亦云般涅槃那此云滅度又云圓寂洹胡官切

吳江居士沈瓊爲
先妣誥封宜人卜氏資薦冥福施贊刻此
辨說阿閦佛國經中卷計字五千一百四十
二個該銀二兩五錢七分西蜀釋如重對上元王自謙書旌德劉邦瀛刻
萬曆癸丑歲春正月徑山化城識

爾時賢者舍利弗心念言佛已說阿閦佛昔者行菩薩道時德號復說佛刹之善快亦復說諸弟子及諸菩薩所學成願佛當復說阿閦佛摩訶般泥洹時有何感應天中天於是佛卽知舍利弗心所念便告舍利弗言阿閦佛摩訶般泥洹是日一切三千大千世界諸郡國變化作化人而說法所可說者如前所說法時人民復行阿羅漢道不復上下便令住阿羅漢

佛說阿閦佛國經卷下

道阿閦佛般泥洹時有菩薩摩訶薩名衆香手當授
是衆香手菩薩決號曰羞洹那洹波頭摩如來無所
著等正覺復次舍利弗其金色蓮華佛之刹所有善
快亦當如阿閦佛刹之善快所有安諦金色蓮華佛
所有衆弟子亦當如阿閦佛復次舍利弗阿閦佛摩
訶般泥洹時當大動搖皆悉遍三千大千世界聲上
聞阿漸貨羅天乃至復聞阿迦泥吒天阿閦佛般泥
洹時當有是瑞應復次舍利弗阿閦佛刹諸好藥樹
木皆曲向阿閦佛般泥洹所作禮阿閦佛摩訶般泥
洹時諸天及人民持華香雜香擣香供養散其身上
供養已其諸天人民華香雜香擣香及餘寶上至虛
空四十里成圓華蓋阿閦佛摩訶般泥洹時其三千
大千世界諸天龍鬼神捷陀羅阿須輪迦留羅真陀
羅摩休勒皆向阿閦佛摩訶般泥洹時是人民及諸
天以佛威神所致悉見阿閦佛摩訶般泥洹時復次
舍利弗阿閦佛摩訶般泥洹時諸天及人民晝夜常
愁憂言阿閦佛般泥洹大疾爲已亡人民娛樂不復
得樂所欲意愁憂言阿閦佛般泥洹大疾亡失人民
安隱意愁憂言亡天下眼佛語舍利弗若有菩薩廣
訶薩於是世界若他方世界終亡生阿閦佛刹者甫

1 2 3 4 5 6 7 8 9 210 1 2 3 4 5 6 7 8 9 210

當生者其人皆爲已受決從一方復至一方共等輩遊行若干百千等輩共遊行菩薩摩訶薩當見若干百千如來當見無數佛當見無數薩芸若若有菩薩摩訶薩於是世界若他方世界終亡生阿閻佛刹者甫當生者其人亦與衆等俱遊行以佛威神所致薩芸若故爲阿惟越致菩薩摩訶薩聞是阿閻佛德號法經皆爲離魔羅網復次舍利弗阿閻佛摩訶般泥洹時至法行在者諸菩薩摩訶薩生阿閻佛刹者亦當與等輩遊行求索阿閻佛昔時願然後當生阿閻佛刹菩薩摩訶薩便當諷誦八百門諷誦已皆當諷

誦諸法便有上微妙阿閻佛刹諸菩薩摩訶薩得念行住八百門我當生阿閻佛刹亦當諷誦八百門諷誦已皆當復諷誦諸法見上妙句如是諦受之菩薩摩訶薩阿閻佛現在及般泥洹時說法等無異佛刹等如來所示現從阿惟越致至成無上正真道最正覺復次舍利弗阿閻佛身中自出火還燒身已便作金色卽碎若芥子不復還復訖已便自然去譬如舍利弗有樹名祇彌羅若髮段斷已不復見自然生如是舍利弗阿閻佛摩訶般泥洹時身破碎不復見還自然生復次舍利弗阿閻佛摩訶般泥洹時其身骨

坐處見自然譬如山碎破其山不復見自然還其處如是舍利弗阿閦佛摩訶般泥洹時其骨自破碎其身骨不復見還自然時一切三千大千世界人民皆供養其身以七寶作墯其三千大千世界當以七寶墮及葉金色蓮華而莊嚴復次舍利弗阿閦佛刹諸菩薩摩訶薩當作禮有瑞應乃如是自然諸寶於其處在前住其有菩薩摩訶薩往生阿閦佛刹者甫當生者當見佛意無亂命過時一切諸天人當供養其身諸天及人民願發起是供養其身菩薩摩訶薩自以功德稍於虛空疾行都不復知其處譬如舍利弗持草著火中熏煙而出其煙上於虛空中亦於虛空中而行亦於虛空中都滅不知所至處其佛刹諸菩薩摩訶薩法身如是復次舍利弗阿閦佛刹菩薩摩訶薩壽命盡臨壽終時見餘菩薩摩訶薩他方世界坐佛樹下時是諸菩薩摩訶薩臨壽終時瑞應復見餘菩薩入母腹中時亦復見餘菩薩摩訶薩從母右脇出生時行七步時見在妓女中相娛樂時見餘菩薩摩訶薩出家學道時見餘菩薩坐佛樹下降伏魔得薩芸若慧時見他方世界諸佛天中天轉法輪時佛言舍利弗阿閦佛刹菩薩臨壽終時以是比有

1 2 3 4 5 6 7 8 9 210 1 2 3 4 5 6 7 8 9 210

自然瑞應復次舍利弗阿閦佛摩訶般泥洹時佛所說法當住至若干百千劫賢者舍利弗問佛言天中天以何等數佛所說法住至百千劫佛告舍利弗言二十小劫爲一劫是爲數佛所說法住至百千劫復次舍利弗其法滅盡時一切三千大千世界當大照明其地當大動其法不是弊魔及魔天之所滅亦不是天中天弟子所滅諸比丘稍樂寂住還是稍寂共往還已俱行不復大聽聞法不聽聞已亦不大承用復不得大精進法師比丘於法教亦寂說法少以是故法稍減盡稍稍不見爾時賢者舍利弗問佛言云

何天中天菩薩摩訶薩用何等德行故得生阿閦佛刹佛告舍利弗是菩薩摩訶薩當學阿閦佛昔求菩薩道時行當發如是意願令我生阿閦佛刹菩薩摩訶薩用是行故得生彼佛刹復次舍利弗菩薩行布施度無極積累德本持願無上正真道得在阿閦佛邊菩薩摩訶薩用是行故得生彼佛刹菩薩行戒度無極持願無上正真道得在阿閦佛邊菩薩摩訶薩用是行故得生彼佛刹菩薩行忍辱度無極持願無上正真道得在阿閦佛邊菩薩摩訶薩用是行故得生彼佛刹菩薩行精進度無極持願無上正真道得

1 2 3 4 5 6 7 8 9 210 1 2 3 4 5 6 7 8 9 210

在阿閦佛邊菩薩摩訶薩用是行故得生阿閦佛刹
 菩薩行一心度無極持願無上正真道得在阿閦佛
 邊菩薩摩訶薩用是行故得生彼佛刹菩薩行智慧
 度無極持願無上正真道得在阿閦佛邊菩薩摩訶
 薩用是故得生彼佛刹復次舍利弗阿閦佛光明皆
 炎照三千大千世界我當願見是已令我成無上正
 真道最正覺當復自炎照其佛刹菩薩摩訶薩用是
 行故得生阿閦佛刹我當見阿閦佛刹無央數不可
 計諸弟子見已我亦當作如是行令我成無上正真
 道最正覺時使有無央數諸弟子菩薩摩訶薩用是
 行故得生阿閦佛刹阿閦佛刹有若干百菩薩若干
 千菩薩若干百千菩薩我當見是諸尊菩薩寂寥觀
 行我當學之當於處處曉了知之我當與同學等無
 差特當與是一等類俱在一處欲具大慈大悲用佛
 故沙門義故無辟支佛義無有弟子之行無有弟子
 意無有緣一覺意諦住於空無有惡道法於諸佛名
 等諸如來名等薩芸若名等於諸法名等於衆僧名
 等常念諸名等如諸菩薩摩訶薩若有善男子善女
 人聞名得生阿閦佛刹何況合會諸度無極善本持
 願阿閦佛刹合會衆善本已便成無上正真道最正

覺何況合會諸度無極衆善本便得生阿閦佛刹菩薩摩訶薩用是行故得生阿閦佛刹復次舍利弗菩薩摩訶薩欲生阿閦佛刹者當念東方不可計諸佛天中天善法品等因緣諸佛天中天所可說法念其無有等者令我成無上正真道最正覺當復說法如是如諸佛天中天念其衆弟子因緣等我何時成無上正真道最正覺亦當有無央數不可計諸弟子衆舍利弗若有善男子善女人當念三事當曉了念是三大事若善男子善女人以念是三大事合會德本爲一切衆生作迹念持願作無上正真道用一切衆生故願三事善男子善女人菩薩摩訶薩願無上正真道不可限一切衆生若有人來以器欲限取虛空來已謂言善男子持善本與我共分布之佛言舍利弗若使善本有色者一切衆生便可以器滿限取虛空不可竟若是善本以器取如是舍利弗願善本於無上正真道是亦不可以器取如是謂爲薩芸若善本若有念三事善本便轉得三寶若有菩薩摩訶薩念是三事善本願皆見善法菩薩行三事善本願降伏衆魔及官屬所向欲念生阿閦佛刹卽得生其佛刹南方西方北方上方下方亦如是四維亦如是若有

菩薩摩訶薩念是三事善本積累以持作勸助勸助
已持願向阿閦佛刹其人卽得生其佛刹佛告舍利
弗若干百佛刹若干千佛刹若干百千佛刹如是佛
刹之善快諸佛刹之善快空耳阿閦佛刹亦如是我
當見其佛刹之善快見是以我亦當取如是比佛刹
之善快當勸助若干百菩薩若干千菩薩若干百千
菩薩爲現故令歡喜踊躍上及阿閦世尊等菩薩摩
訶薩用是行故得生阿閦佛刹若有菩薩摩訶薩專
發是意向阿閦佛若使不行者如是爲欺專發是意
便得生阿閦佛刹譬如有城中無市無有園浴池及

萬物亦無有象馬亦無有往來中者云何舍利弗其
城寧有彊王在其中止不是城德爲最下如是爲快
不彊王在大城其城有善德萬物如是城爲最上也
如是舍利弗於是我三千大千世界佛刹力之善快
如我佛刹爲下耳是不爲上好也是聞我佛刹所有
之善快如是舍利弗若菩薩欲淨其佛刹之善快者
欲取者當如是清淨取之如阿閦佛昔行菩薩道時
所取清淨佛刹之善快復次舍利弗於是成無上正
真道最正覺令人民在須陁洹道斯陁舍阿那含阿
羅漢道復教令在辟支佛道我所教授諸弟子及餘

弟子皆共合會當令在阿閦佛刹諸弟子衆邊百倍
千倍萬倍億百千倍巨億萬倍不與等但說解脫者
無有異我諸弟子及彌勒佛所有諸弟子及復餘弟
子皆復共合會當令在阿閦佛刹諸弟子衆邊是亦
百倍千倍萬倍億萬倍不與等所以者何阿閦佛一
一說法時人民得道者不可復計佛言舍利弗置我
諸弟子復置彌勒佛諸弟子於波陁劫中諸佛天中
天所有諸弟子及餘得道弟子復共合會當令在阿
閦佛刹諸弟子衆邊百倍千倍萬倍億萬倍巨億萬
倍不與等但說解脫者無異人爾時賢者舍利弗白
佛言如天中天所說如我所知當觀其佛刹爲阿羅
漢刹不爲凡夫之刹也所以者何彼阿羅漢甚衆多
佛言如是舍利弗彼刹阿羅漢生死已盡者甚衆多
三千大千世界所有星宿不可計亦不可知多少阿
閦佛一一說法時得阿羅漢者不可計如是舍利弗
一一聚會時不可計無央數人得阿羅漢道三千大
千世界中星宿可知數阿閦佛刹是諸天人民以天
眼見光明用積累德本阿閦佛刹三千大千世界是
諸人民善男子善女人晝夜往至阿閦佛所若有聞
是德號法經聞已卽受持諷誦者舍利弗是善男子

善女人前世爲皆已聞見阿閦佛昔求菩薩道時所以者何若有聞是德號法經卽有信者是阿閦佛德號法經十方等世界佛刹求菩薩道及求弟子道之悉受諷誦持說之他方佛刹諸阿惟越致菩薩摩訶薩住及餘菩薩亦說阿閦佛所結願及生阿閦佛刹者甫當生者東方如是南方西方北方上方下方等十方亦如是一切諸佛刹求菩薩道人皆受是德號法經諷誦持說之阿惟越致菩薩摩訶薩住復有成無上正真道最正覺及餘菩薩亦如是說阿閦佛所結願及生其佛刹者甫當生者如是舍利弗阿閦佛阿比羅提世界住炎照十方等諸求菩薩道之人若有善男子善女人諷誦阿閦佛德號法經聞已卽持諷誦願生阿閦佛刹者臨壽終時阿閦佛卽念其人所以者何儻弊魔得其便卽轉所願如來故念之其善男子善女人不復轉會當得所願及無上正真道若有他異因緣無能娆害者如是火刀毒水是亦不行若復有撾捶者是亦不向亦不畏人非人其人如是等見護便生阿閦佛刹佛言譬如舍利弗日宮殿遠住遙炎照天下人如是阿閦佛遠住炎照他方世界諸住菩薩摩訶薩譬如得天眼比丘遠住遙見

色之光如是舍利弗阿閦佛遠住遙見他方世界諸
住菩薩摩訶薩見其顏色形類譬如神通比丘遠住
知他人意所念如是舍利弗阿閦佛遠住遙知他方
世界諸住菩薩摩訶薩意譬如神通比丘遠住遙以
天耳聞聲如是舍利弗阿閦佛遠住遙聞他方世界
諸菩薩摩訶薩語及生其刹者是善男子善女人阿
閦佛知其名字及種姓若有受是德號法經諷誦持
者舍利弗是人爲見阿閦佛當知是人臨壽終時阿
閦佛卽爲其人賢者舍利弗白佛言難及天中天諸
佛世尊諦囑累諸菩薩摩訶薩佛言如是舍利弗諸

佛天中天諦囑累諸菩薩摩訶薩所以者何菩薩諦
受囑累者便爲諦受一切衆生已譬如轉輪王若有
第一第二第三第四第五第十第一二十不可計諸倉
中有稻米大麥小麥及種種穀穀貴時便出令穀賤
如是舍利弗菩薩如來說竟菩薩摩訶薩未成最正
覺時譬如穀貴已成無上正真道最正覺便安隱說
法如穀賤是故諸佛天中天諦囑累諸菩薩摩訶薩
佛言舍利弗若有菩薩摩訶薩聞是阿閦佛德號法
經聞已卽受諷誦持雖不願生阿閦佛刹者當知是
菩薩摩訶薩爲比阿惟越致若有菩薩摩訶薩受是

1 2 3 4 5 6 7 8 9 10 11 12 13 14 15 16 17 18 19 20

阿閦佛德號法經持已受諷誦爲若干百人若干億百千那術人解說之當令若干億那術百千人積累德本是人如所積德本其菩薩是德本不可計是菩薩摩訶薩德本衆多已便坐無上正真道佛言舍利弗若有菩薩摩訶薩欲疾成無上正真道最正覺者當受是德號法經當持諷誦受持諷誦已爲若干百若干千若干百千人人解說之便念如所說事卽得大智慧其罪卽畢以得是大智慧其罪畢已其人自以功德便盡生死之道佛告舍利弗若有善男子善女人求弟子道者聞是阿閦佛德號法經便當受持

當諷誦受持諷誦已爲若干百人若干千人若干百千人解之若有善男子善女人受是法經自以功德卽自取阿羅漢證佛言舍利弗若有善男子善女人專持說是德號法經是人如是便捨等正覺自以功德取阿羅漢證佛語舍利弗是阿閦佛德號法經終不至癡人手中當至黠人手中佛言舍利弗是善男子善女人是德號法經至其手中者爲見如來已譬如舍利弗種種諸寶其價甚重從大海採來者云何舍利弗從大海採種種寶當先至誰手中舍利弗言天中天當先至國王若太子左右手中佛言如是舍

1 2 3 4 5 6 7 8 9 210 1 2 3 4 5 6 7 8 9 210

利弗是阿閦德號法經當至菩薩手中及阿惟越致復次舍利弗菩薩摩訶薩聞是阿閦德號法經便受持諷誦諷誦已卽當專成無上正真道最正覺賢者舍利弗白佛言是阿閦佛德號法經薄德之人終不得聞受持諷誦所以者何天中天不能得阿惟越致故佛告賢者舍利弗審如是若有善男子善女人持金銀滿是天下以布施願言我持是使聞阿閦佛德號法經薄德之人終不得聞是經亦不得受持諷誦菩薩摩訶薩聞阿閦佛德號法經者爲成阿惟越致行聞已受持諷誦是故專得無上正真道行佛語舍

利弗一生補處二生補處等正覺求弟子道人所不能及若有聞阿閦佛德號法經受持諷誦爲若干百人若干千人若干百千人說之譬如舍利弗轉輪王以福德自然生七寶如是舍利弗阿閦佛昔願所致我爲說是德號法經若有菩薩摩訶薩說是德號法經若復有菩薩摩訶薩聞是經甫當聞者亦福德所致佛語舍利弗阿閦佛德號法經於是波陁劫中所有諸佛天中天皆當說是經如是令無缺減安諦亦如我所說若有菩薩摩訶薩欲疾成無上正真道最正覺者當受是阿閦佛德號法經當持諷誦說之當

1 2 3 4 5 6 7 8 9 210 1 2 3 4 5 6 7 8 9 210

令廣普若是德號法經在郡國縣邑有善男子善女人受持諷誦其菩薩摩訶薩有是經爲護郡國縣邑其有受是德號法經當持諷誦復出家學道離罪菩薩摩訶薩當令居家學道者知之所以者何善男子善女人儻不能究竟是德號法經佛語舍利弗若遠郡國縣邑有行是經菩薩摩訶薩往至彼當受是經諷誦持說善男子善女人雖不諷誦但有是經卷當說供養之若不得經卷者便當寫之若使其人不與是經卷持歸寫者菩薩便就其家寫之若使善男子善女人言自餓寫當自餓寫之若言經行寫當經行寫之若言住寫當住寫之若言坐寫當坐寫之

佛說阿閦佛國經卷下

音釋

坻

音
古

撾捶

音
古

切撾捶擊也

音
古

黠

音
胡八切

猶慧也

吳江居士沈贊爲

凶兄光祿寺丞寧庵公資薦冥福施貲刻

佛說阿閦佛國經下卷

六個該銀二兩六錢一分三厘

武林釋如德對上元王一謙書旌德劉邦承刻

萬曆癸丑歲春正月徑山化裁識

已上共字一萬八千二百七十八箇共該銀九兩一
錢四分

佛說大乘十法經

梁僧伽婆羅譯

如是我聞一時佛住王舍城耆闍崛山中與大比丘
五千人俱無量菩薩衆爾時彼大菩薩衆中有菩薩
摩訶薩名曰淨無垢妙淨寶月王光集彼菩薩大衆
中爾時淨無垢妙淨寶月王光菩薩摩訶薩卽從座
起捨蓮華臺往至佛所偏袒右肩右膝著地合掌曰
佛言世尊世尊大乘比丘住大乘比丘者何故名住
大乘比丘復以何義故此大乘名曰大乘爾時世尊
告淨無垢妙淨寶月王光菩薩摩訶薩言善哉善哉

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

淨無垢妙淨寶月王光汝能問如來此甚深妙義善
 男子善思念之吾當爲汝分別解說爾時淨無垢妙
 淨寶月王光菩薩白佛言世尊如尊教爾時世尊告
 淨無垢妙淨寶月王光菩薩言善男子菩薩摩訶薩
 成就十法名住大乘何等爲十所謂成就正信成就
 行成就性樂菩提心樂法樂觀正法行於正法及順
 法遠離慢我慢等事善好通達諸密語不樂聲聞及
 緣覺等善男子菩薩摩訶薩成就如是十法名住大
 乘善男子菩薩摩訶薩成就不諳曲柔和行柔和行
 故能信諸佛如來正真正覺無上菩提善能信一念

中三世諸佛智信如來藏不斷常不老死不可盡亦
 信實際法界一切種智一切種智相諸力無畏不共
 佛法復信諸佛如來不可灌頂亦信三十二大人之
 相八十妙好圓光等法復信聲聞所說或緣覺所說
 菩薩及餘所說亦信世間及出世間復信正行行者
 順行等沙門及婆羅門亦信諸善根業報最勝上愛
 果若天天王若人人王復信不善業報最下惡不可
 樂聞不愛甚重麤過或地獄畜生餓鬼等處彼如是
 信已遠離三法何等爲三所謂疑惑不決等事善男
 子菩薩成就如是諸法名爲正信爾時世尊欲重宣

此義而說偈言

信爲最上乘 以是成正覺 是故信等事

智者敬親近

信爲最世間

信者無窮乏

是以信等事

智者正親近

不信善男子

不生諸白法 猶如焦種子

不生於根芽

善男子云何菩薩摩訶薩成就諸行善男子菩薩摩訶薩剃除鬚髮以被正服殷重信心捨家出家已習學菩薩威儀戒等諸行或復聲聞威儀戒等諸行亦學緣覺威儀等行彼如是或以所有身口意等同習煩惱彼一切同滅是中何者身所有同習煩惱

所謂殺生偷盜惡欲邪姪刀杖瓦石等執慳惓於他動手足等往來逃走等事是名身有同習煩惱是中何者口家同習煩惱所謂妄語兩舌惡口綺語恒說惡語毀謗甚深諸典於諸尊長修梵行中廣說惡名是名口同習煩惱是中何者意家同習煩惱所謂慳貪邪見嫉妒樂著名聞利養親族姓慢色慢幼年慢無患慢長壽多聞慢思惟慢欲覺妄想覺惡覺親覺士覺飲食衣服臥具醫藥資用等覺著處著乘著牀庫貯積等事乃至著種種資用之具彼如是吝著已

20 1 2 3 4 5 6 7 8 9 210 1 2 3 4 5 6 7 8 9 211

所說事中若失一事便生其憂苦惱妄想等事彼如是遠離愛潤心已生於思惟善男子略說意業猶如世間輪轉故說意業同習氣煩惱彼如是離身口意業同習煩惱已於和尚所起其尊想其阿闍黎所起和尚想於同梵行若老若少起殷重恭敬彼獨在空閑之處作如是思惟我不應作如是我爲度一切衆生爲解一切衆生爲令安調伏靜定衆生故發諸行然我自不調伏不隱諸根未爲寂滅我必修正行令有見我者必得成受調伏亦順諸佛微妙等教復令歡喜諸天神龍夜叉乾闥婆等善男子此名爲菩薩

慚彼作如是思惟勿有令我若道若俗於諸威儀行中取諸過失所謂行戒行不正中或見形或威儀行或行資用壽命行等彼如是慚愧已日夜之中六時觀於持戒等法彼善持戒已無復疑悔令入住如來佛法中無有休息善男子此之名爲菩薩愧善男子是名菩薩成就如是諸行爾時世尊欲重宣此義而說偈言

諸佛行爲本 及聲聞弟子 是故智者修
行行常堅固 諸菩薩大智 行諸無畏行
令證離垢道 諸佛所讚歎

善男子云何菩薩成就性佛子菩薩性成少欲瞋恚愚癡等不妬不憚不惱不說麤言不欲調戲不輕動調和柔軟已可親近性能成就上妙供具供養諸佛所謂資用等財惠施與他具足成就手足頭目等若見如來或如來弟子見已卽生恭敬歡喜之心善男子菩薩如是名爲性成就爾時世尊欲重宣此義而說偈言

相煙卽知火 鴛鴦以顯水 復相知諸性
菩薩大名稱 柔和不誑曲 涉離慳嫉妒
愍念一切衆 名之爲菩薩

善男子云何菩薩摩訶薩喜樂菩提心若有菩薩摩訶薩體性微發菩提心時值佛菩薩或聲聞緣覺等教化勸發而生阿耨多羅三藐三菩提心是名喜樂初發菩提相彼聞菩提及菩提功德已卽發阿耨多羅三藐三菩提心是名第二喜樂菩提相彼菩薩見諸衆生無能救護無所歸依孤獨無能濟拔無覆護無舍宅無有洲已卽起悲愍心彼發心已作如是念我今爲諸衆生作救護歸依濟拔覆護舍宅洲等爲彼因緣故發無上菩提心是名第三喜樂發菩提心彼若見如來或菩薩聲聞緣覺等滿足諸行見已心

生歡喜愛敬安心以是因緣發阿耨多羅三藐三菩提心是名第四發菩提心彼菩薩爲諸衆生利益安樂故行布施持戒修忍發精進行思禪定修正慧云何菩薩行布施所謂須飲與飲須食與食須乘給乘須牀榻敷具者給牀榻敷具等須衣施衣須金銀寶冠環釧等諸莊嚴具乃至已身皮肉潤益衆生彼如是行於布施已然彼布施迴向發阿耨多羅三藐三菩提雖施而不生我慢等心云何持戒成就身口意業彼捨離身口意業等已善離能防無礙無漏純淨無雜奉持禁戒然彼持戒迴向阿耨多羅三藐三菩提

提雖行持戒然不起我慢等心善男子云何菩薩修忍彼瞋罵說枷鎖繫閉切割撲打若道若俗能忍能容不起諸習等煩惱如是修忍已然彼迴向阿耨多羅三藐三菩提雖修忍然不起我慢等心善男子云何菩薩發精進心彼作如是念猶如虛空界無量無邊衆生界亦無量無邊然此衆生界我獨無二令安無餘涅槃界中是以爲彼因緣故發行精進身不離身念觀受彼觀受已觀心心行彼觀心心已順觀諸法彼如是善憶念觀已爲未生諸不善法令不生故起欲修勤精進持心等正行爲未生諸善法令生故

1 2 3 4 5 6 7 8 9 10 11 12 13 14 15 16 17 18 19 20

起欲修勤精進直心等正行已生諸不善法爲令滅故起欲修勤精進持心等正行已生諸善法爲令久住故復令增長思故起欲修勤精進持心等正行彼發精進已令成初如意足分如是第二第三乃至成第四如意足分彼成就如意分能令住一劫若減一劫或具足行令滿精進波羅蜜如是發精進已然彼精進廻向阿耨多羅三藐三菩提雖發如是精進心然不生憍慢善男子云何菩薩思禪定行離意欲離意滅離欲靜不依內不依外不依色不依受想不依識不依欲色無色界不依空無相無願不依世間出

世間不依布施持戒忍辱精進等善男子乃至畧說一切有想繫縛等名爲禪如是修諸禪然彼禪廻向阿耨多羅三藐三菩提雖思修此禪然不起我慢等心善男子云何菩薩修智彼作如是念無量無邊衆生界令入涅槃然無一衆生可入涅槃何以故如佛所說一切法無我無衆生無命無壽無不伽羅如是修觀智然彼智廻向阿耨多羅三藐三菩提雖觀修般若然不起我慢等心善男子如是菩薩摩訶薩樂菩提心爾時世尊欲重宣此義而說偈言

猶如摩尼珠顯於寶藏中師以加功用

倍明於本色 成就如是性 求正菩提心

二邊既寂靜 令魔不得便

善男子云何菩薩樂法成就善男子若菩薩性樂法喜法愛法彼若見沙門若婆羅門所有資用命具飲食等事彼能奉上使世間所有受用等根莖枝葉華果等彼收已施諸衆生持諸法者令往禮拜恭敬合掌迎接已殷重敬納心有所疑處問於正義是以持法者隨所聞義善能解釋彼於聞法者起世尊想善知識想起同世間諸海想起和尚想阿闍黎想久失導師世間曠野生死難中能訪覓起訪覓想久失愚

者闇閉目開故令起覺悟想墜沒世間煩惱泥中而起濟拔之想久遠失正路爲作導師故而起導師之想久伏在世間牢獄能解故而起解者想久遠著患療治故而起良醫之想以煩惱火焦滅身令住滅故而起大雲雨想彼爲法爲法因故能忍寒熱風雨蚊蚋等亦忍飢渴或見他人受樂報者不起希求樂心然作如是念唯我世間獨樂而我能聞正法彼爲是事故爲彼因彼緣故不生憂悲苦惱恨等彼如是離憂悲苦惱恨等已發如是心我堪能荷負如來所說一法句故在阿鼻地獄住一劫若減一劫彼如是無

1 2 3 4 5 6 7 8 9 10 11 12 13 14 15 16 17 18 19 20

疲倦心已自然不行諸行而得一切種智未得諸佛法而令速得善男子以是義故菩薩名爲樂著諸法爾時世尊欲重宣此義而說偈言

大智樂諸法而成諸佛子親近正妙法而不生疲倦敬心求正法諸深心佛子及以心憶持亦顯正妙行

善男子云何菩薩摩訶薩正觀諸法善男子若菩薩作如是觀一切諸法猶如幻迷惑凡夫故一切諸法如夢不實故一切諸法如水中月非事故一切諸法如響非衆生故一切諸法如影計妄想故一切諸法

如響聲生滅壞故一切諸法生滅壞緣假成故一切諸法本不生不移同真如體故一切諸法不滅本不生故一切諸法無作無作者故一切諸法如虛空不可染故一切諸法定寂滅性不染故一切諸法無垢離一切諸垢故一切諸法性滅離煩惱故一切諸法非色不可見故一切諸法離心境界無體性故一切諸法不住滅諸毒故一切諸法不可求滅愛憎等心故一切諸法無著離煩惱境界故一切諸法如毒蛇離善巧方便故一切諸法如芭蕉無堅實故一切諸法如水沫體性弱故善男子菩薩如是觀名爲正觀

諸法爾時世尊欲重宣此義而說偈言
一切法如幻 迷惑愚迷者 處色猶如夢
汝等如是持 法如水月中 亦如響等事
復如影像等 智者諸不覺

善男子云何菩薩摩訶薩行法順法等善男子若菩薩摩訶薩觀色無常而不狀離色欲證於法已正智助法界同用等法善自觀入善持彼者諸相善思善記彼記此相善持善修善記已自然行法界等行受想行識亦觀無常然不狀離識等之入法界已正智助同法界等法善自觀達亦記彼相善持善修善記

已自然入法界等行如無常苦空無我亦爾彼觀色無常已於色中不生恐怖驚等何以故色是妄想顛倒所起然彼如實知觀受想行識無常乃至於識中不恐不怖不驚何以故識者妄想顛倒所起故然彼如實知善男子譬如善巧幻師或幻師弟子化作種種幻事象兵馬兵車步兵彼智者見已不生恐怖驚等何以故色是妄想顛倒所起然彼如實知觀受想詐菩薩亦如是觀色無常已於色中不生恐怖驚等何以故色是妄想顛倒所起然彼如實知觀受想行識無常已乃至於識中不生恐怖驚等何以故識

一經

佛說大乘一法經

者妄想顛倒所起故然彼如實知爾時淨無垢妙淨寶月王光菩薩白佛言世尊云何菩薩觀諸色無常然不厭離色而證法界已正智觀入助法界等法爾時世尊告淨無垢妙淨寶月王光菩薩言善男子吾當爲汝分別說喻善男子譬如智男子常事諸毒善持善覆善惜起我相已種種莊嚴具貿易然是不食彼毒勿令我因此事斷其正命菩薩亦如是向涅槃心潤向涅槃順向涅槃近取涅槃然不證彼涅槃何以故勿令我因於此事退菩提行善男子譬如有人事其火神然彼人日夜香華等供養恭敬尊重讚

歎親侍然彼人不作是念我以事火供養恭敬尊重讚歎親近已我以二手接取之何以故勿令我因此事於身有苦於心有惱菩薩如是向涅槃心潤向涅槃順向涅槃及取涅槃然後不證涅槃何以故勿令我因此事退菩提行爾時淨無垢妙淨寶月王光菩薩白佛言世尊如我知世尊所說意趣菩薩者應在世間佛言如是如是善男子菩薩應住世間問曰世尊云何菩薩住世間而不以世間諸患所染佛言善男子爲此事故略說一喻善男子譬如呪術之人以大呪術力故諸惡毒蛇等弄戲然彼人不以此事

斷其命根何以故以彼人善通達呪術力故菩薩亦如是行世間住世間住世間已大智方便呪力故共諸煩惱毒蛇而居戲暴亦弄行住坐臥菩薩不以此事故於菩提而有退還何以故彼成就大智方便呪力故爾時淨無垢妙淨寶月王光菩薩言世尊希有希有彼諸菩薩而能不證涅槃復不以世間煩惱毒之所染世尊我今歸依諸大菩薩世尊是諸衆生成就諸善根聞此法已而生一歡喜心世尊彼善男子善女人諸佛已記若能聞此法門佛言善男子說此法時五百比丘未證無漏而得解脫彼得解脫已卽

從座起偏袒右肩右膝著地合掌向佛白佛言世尊諸菩薩者可敬可正禮拜佛語諸比丘如是如是如汝所說爾時世尊欲重宣此義而說偈言

敬禮諸大智 敬禮得無畏 敬禮淨諸目

敬禮親佛子 方便善巧故

及以勝妙智

菩薩大名稱 能過二乘地

如實知諸陰

謂生滅諸等 見世間渴仰

故不證涅槃

善男子云何菩薩摩訶薩離慢及增上慢等善男子慢者我自亦可若家若姓若色或復異事金銀等資用象兵馬步兵車兵如是心所有高下者名曰慢

1 2 3 4 5 6 7 8 9 210 1 2 3 4 5 6 7 8 9 210

我慢者生我身高想若家若姓若色等或金銀財物倉庫象兵馬步兵車兵如是心喜高意不下諸他者名曰增上慢菩薩捨如是等法名曰離慢及增上慢爾時世尊欲重宣此義而說偈言

離慢增上慢 常以慈心念 及常懷悲念
恒怖世間中 常以行乞食 善說人天益

善男子云何菩薩摩訶薩善巧秘密語善男子若菩薩摩訶薩如來所說諸甚深經中秘密之教彼不隨說取何者是秘密之教如來記諸聲聞於阿耨多羅三藐三菩提者非如所說佛語阿難吾患背痛不隨

說取退老患朽敗爲我訪覓侍者不隨說而取汝目連往至耆婆醫王所取諸妙藥不應如說取如來其諸外道尼捷子等諍其諸伎不應如說取如來佢迦羅刺刺足者是事不應如說而取提婆達多是如來久遠害者怨家不應隨說而取如來入舍梨耶婆羅門村空鉢而出不應如說而取旃遮及孫陀利謗佛者不應隨說而取須那國毗羅若婆羅門請佛至已食麥亦不應如說而取爾時淨無垢妙淨寶月王光菩薩白佛言世尊世尊云何記諸聲聞當得阿耨多羅三藐三菩提佛言善男子吾記諸聲聞得無上正

1 2 3 4 5 6 7 8 9 10 11 12 13 14 15 16 17 18 19 20

卷一
佛說大乘法華經

真正道者以有性故淨無垢妙淨寶月王光菩薩白佛言世尊云何諸無漏聲聞斷諸有習煩惱設有性而成阿耨多羅三藐三菩提佛言善男子我今說喻譬如灌頂轉輪聖王有子彼欲學一切技藝等事然是中根復非利根彼應後學是先學應前學復後學善男子於汝意云何彼以此事故可說非王子也答曰不也世等是善王子善男子菩薩亦爾已成就中根性故修道門先除諸煩惱障後成阿耨多羅三藐三菩提善男子於汝意云何彼以此事故可說不成正覺答曰世尊我不見有衆生若天若魔若梵若沙

門若婆羅門人天阿修羅衆中說言不成正覺者除一闡提佛言善男子復聽一喻善男子十地菩薩爲斷諸煩惱坐於道場爲不斷答曰世尊以斷故善男子於汝意云何彼以此豈不成正覺答曰世尊此名爲成佛言善男子此亦如是淨無垢妙淨寶月王光菩薩白佛言世尊云何告阿難比丘吾患背痛佛言善男子吾愍念後世衆生故說此言金剛身諸佛尙患背痛況其餘者然彼愚癡衆生隨教而取彼既自壞亦壞於他吾朽敗老退患爲我訪覓侍者善男子我此言亦爲後世所說於我滅後後世無弟子故諸

沙門婆羅門朽敗老退患者如是以侍者所加身故
彼以佛聽故不生之意爲此密故說如來朽敗老退
患耳世尊云何可取汝目連往至耆婆大醫王所取
藥善男子我此言亦爲後世故說吾諸聲聞必須諸
藥知佛聽故而無有之爲此事故如來所說彼諸愚
癡衆生如所說取如來是患身目連比丘往至耆婆
所而不禮拜及不生恭敬速疾之意聞已忽忽說其
藥善男子此亦說諸欲等患證見法者尚妄何況凡
夫世尊云何可取如來其諸外道尼捷子等諍其諸
技者我爲後世衆生故說此言如來尚有怨家況其

我等然彼愚癡衆生如實說取如來有怨家等轉輪
聖王微善根故尚無諸怨況如來成就諸功德藏世
尊云何可取怯阨羅刺刺如來足如來亦說過去業
報如來尚受過去業報況餘凡夫衆生爲是事故爲
彼因彼緣故示於惡業爲此義故而示其業果報事
然彼愚癡衆生如實所取怯阨羅刺刺如來足世尊
云何可取提婆達多是善知識復是如來久遠親近
是怨家者善男子若無提婆達多善知識者不顯如
來諸佛功德善男子是以提婆達多善知識共如來
諍彼等道德示怨家等事然是顯如來諸大智功德

1 2 3 4 5 6 7 8 9 10 11 12 13 14 15 16 17 18 19 20 21 22 23

善男子若提婆達多承王教已於大衆中放護財大象此象若往堪害如來而如來力令降伏善調爾時無量人衆見彼象調伏已生希有希有心卽歸依三寶所謂佛寶法寶僧寶是名提婆達多善知識之相然有愚癡之人如說而取提婆達多者是如來怨家如是五百世中現菩薩行是提婆達多所示現者顯如來道德然愚癡衆生隨教而取提婆達多者是如來怨家害者以是因緣捨身墮阿鼻地獄餓鬼畜生之處何以故善男子提婆達多者善集諸行善集諸善根已曾供養無量諸佛於諸佛所種諸善根及大

乘行正學菩提順向菩提不退於大菩提近阿耨多羅三藐三菩提是諸衆生偏起惡故於命終後墮阿鼻地獄餓鬼畜生之中歷受諸苦善男子云何所取如來入舍梨耶婆羅門村善男子我爲愍後世故行示此教何以故無有業報而對如來然我護後世故所有乞食比丘入聚落村邑城王都等以薄福力故不得其食彼爾時正憶於我是其佛世尊具足一切功德空鉢而出何況我等微薄善根我等以是故心不應生退爲此事故如來入村空鉢而出然復所說言麁波旬治諸婆羅門令不給如來食不應隨說而

取何以故魔無如是神力堪障施如來食爾時諸佛
神力故令魔處處治諸婆羅門及居士等而如來無
有過咎爲顯彼衆生故如來示現此方便善巧等事
爾時如來及諸聲聞斷食之後魔及魔民并諸餘天
觀如來心是沙門瞿曇及諸聲聞弟子爲憂惱不彼
日觀如來及諸弟子無有意恨憂惱心已亦不高不
下如前後亦如是爾時彼衆中七千諸天子以心歡
喜歸依於佛如來爲彼善化說妙法彼聞法已於如
來法中得法眼淨如是如來觀後世事佛無業報世
尊云何可取旃遮孫陀利等以木器置腹上而謗如

來答曰善男子如來無有業患果報如來成就諸神
通力令旃遮孫陀利過無量恒河沙等世界令安彼
人然是如來方便力故示現業報諸謗等事於我法
中出家者彼被虛謗既聞謗已而生憂愁疑悔彼作
如是說是如來成就一切諸白法對面被謗何況我
等而不被謗彼爾時忍其諸謗行清淨梵行而不成
退旃遮孫陀利者以惡業所牽乃至夢中等真知不
謗已捨身墮於惡趣若如來知是可救者便度之
何以故如來無有衆生而是可捨者世尊云何可取
如來於修羅婆國毗蘭若婆羅門所謂請二月安居

1 2 3 4 5 6 7 8 9 210 1 2 3 4 5 6 7 8 9 211

已唯食其麥答曰如來知諸婆羅門居士等請已而不供養如來知已故往至彼何以故所有五百匹馬者如來并諸比丘衆食麥彼一切盡修菩薩行親近過去諸佛是以值惡知識故造諸惡業以此事生畜生中彼五百馬能調伏護者名曰日藏菩薩以願力故生於彼處是諸馬者以日藏菩薩所化發菩提心爲化彼故應生彼處以彼調伏馬師力故彼一切諸馬憶本宿命而彼現其菩提心善男子如來愍彼五百馬故往至彼處調伏馬師麥者分半施佛五百馬所有麥亦分半施諸比丘彼馬師以馬音聲令彼五

百馬皆能悔過及禮拜佛僧等爾時彼三說後彼諸馬捨身已生兜率陁天中彼復生天中而供養如來如來爲彼善教化說法聞法已卽不退阿耨多羅三藐三菩提彼五百馬所調伏護者如來亦記彼當成辟支佛號曰善調伏心然復善男子如來無慈不備不常者善男子設使如來食土木瓦石等無三千大千世界中有如是味及如是上味是諸土木瓦石等何以故如來得上妙味中之味大人之相故善男子以此義故應如是知如來一切諸食皆上妙味善男子阿難比丘生憐愍心如來捨轉輪王位今旣食麥

1 2 3 4 5 6 7 8 9 210 1 2 3 4 5 6 7 8 9 210

如來知阿難心已施其一麥故語阿難言汝知是何味彼食已生奇特異想語我言世尊我生王家長養未曾嘗如是上味以此上味力故阿難比丘七日受上妙快樂而不復食善男子以此義故應如是知如來無有諸業果報若有衆生淨持諸戒若沙門及婆羅門不隨本請奉施者爲彼衆生說不虛故如來示此業果報事善男子汝觀如來諸身等法是彼婆羅門請如來而不施設如來亦說彼乞不退轉然善男子所說彼五百比丘如來記令不退著復次善男子所有彼五百比丘共如來夏坐安處中有四十比丘偈言

多念於欲結靜念彼若得美食者欲想欲覺便令熾盛彼以惡食因緣故欲想欲覺亦微既微已彼七日七夜得阿羅漢果善男子若能如是解如來所說語者彼名爲正解善男子菩薩摩訶薩成就如是名爲善巧解如來秘密說教爾時世尊欲重宣此義而說偈言

所說漸義教 及以頓說者 大智諸菩薩
秘密故正解 善巧諸密語 捨離執說教
通達正說法 諸佛之所說
善男子云何菩薩摩訶薩不喜樂聲聞辟支佛乘善

男子若菩薩摩訶薩或以地獄苦餓鬼畜生等受諸重惡而不喜樂求聲聞涅槃復不念云何得厭離世間心令速得自在亦不求少欲少作等復不求少欲少作等行因彼所見諸衆生修諸善業者菩薩佐助令成及勸諸衆生讚歎正說正示向阿耨多羅三藐三菩提善男子菩薩摩訶薩成就如是諸功德不喜樂聲聞辟支佛乘爾時世尊欲重宣此義而說偈言化衆無疲倦 不退於菩提 持心如山王 行慈心等法

爾時淨無垢妙淨寶月王光菩薩白佛言世尊如來已說諸法菩薩成就諸法已名爲住大乘然如來不說以何義故名爲大乘爾時世尊告淨無垢妙淨寶月王光菩薩言善男子我今問汝隨汝意說善男子於汝意云何轉輪聖王并四兵衆隨所行者彼道以何說取答曰世尊名曰王道亦名大道名無畏道名無障礙道名爲寂靜道佛言善男子如來亦爾隨所乘乘至阿耨多羅三藐三菩提彼乘名爲大乘名爲上乘名爲妙乘名微妙乘名曰勝乘名無上乘名無惡乘名無比乘名無等乘名無等等乘善男子以此義故名爲大乘答曰善哉大乘世尊善哉大乘爾時

魔王波旬作如是念此沙門瞿曇過吾境界亦令餘者能過境界若我集四兵衆共往惱亂及不說此法故至沙門瞿曇所爾時魔王波旬將領四部兵衆至王舍大城耆闍崛山爾時淨無垢妙淨寶月王光菩薩遙見魔王波旬將領四部兵衆來欲爲此法令作妨故見已作如是神力現神力已魔王波旬至王舍大城巷衢四道之處作如是聲汝等往至王舍大城諸仁者若知是如來在耆闍崛山中爲四部衆說法初善中善後善其義巧妙滿足白淨說行梵行是故汝等應往如來所是以汝等於長夜而成饒益快樂

爾時王舍城中諸婆羅門刹利長者居士等被魔勸已持諸香華塗香末香燒香縉幢寶蓋衣服等從王舍大城出已至耆闍崛山於如來所頭面禮佛尊重讚歎供養恭敬已却住一面魔王波旬及四兵衆出王舍大城耆闍崛山中至如來所已化作天曼陀羅華而散佛土散已及四部兵衆却坐一面爾時淨無垢妙淨寶月王光菩薩見魔王波旬却坐一面而告之言波旬汝何故將四兵衆至如來所魔言吾至此爲令滅此法故及惱亂如來故淨無垢妙淨寶月王光菩薩語魔波旬言波旬何容煩亂及滅此法汝波旬

1 2 3 4 5 6 7 8 9 210 1 2 3 4 5 6 7 8 9 210

於如來前今可悔過勿於長夜成無利益苦報淨無垢妙淨寶月王光菩薩所順說法已魔卽從座起偏袒右肩又手合掌禮佛足已於如來前而起悔過願世尊受我悔過我以愚癡無智慧不善巧不能自知而如來前起惡心及欲滅如是等經善哉世尊爲我正受悔過等法佛語魔王波旬言吾法中增長善根所謂若善男子善女人爲欲清淨法故令能悔過爾時魔王波旬從座起已在佛前立而白佛言世尊先制一切諸惱惡口等不善業道佛語波旬如是如是波旬問曰如來法王何故以波旬名而喚於我佛言

波旬吾今說喻譬如長者父居士大富財錢無窮然彼人惟有一子愛念深重以彼繼命爲活然彼一子不善調伏心譖曲彼長者某居士若手若杖若拳等治或惡言及苦語惡治爲息彼惡故波旬於汝意云何是長者居士瞋恨情治彼一子有惡心不答曰世尊惟爲成彼一子故佛言如是波旬如來亦爾善知衆生心心數法應以苦惱語調伏者爲說苦惱語應以檀治者卽以檀治應以攝取者卽說攝取言應以色身度者卽以色身度之應以聲香味觸法等度者卽乃至法等度之爾時魔王波旬從佛聞此法歡

喜踊躍復更禮佛足禮已白佛言世尊若有村邑聚落中說是法者我爲聽此法故往至彼處及護此經亦念益法師故是中多有如是瑞相衆則寂定離調戲懈怠等得上勝聽法之者若讀若誦若受持若解說身不生疲倦心不起厭足隨所說此法若聽或爲他廣說如是彼轉生歡喜踊躍心爾時彼衆中有諸外道尼乾子等彼見聞此魔王所說語已於如來所卽生歡喜踊躍之心爾時尊者阿難白佛言世尊何因緣故此諸外道聞說此法而得證忍佛語阿難過去此王舍城者闍崛山中佛名曰善勝調伏多唵阿伽度阿羅訶三藐三佛唵說法彼佛說法已有諸外道爲惱故來彼至已聞此法卽唱善哉而於佛所不生敬重心彼諸外道以此因緣力故六萬劫不生地獄餓鬼畜生之中唯生人天之處彼諸外道以不敬如來故所生之處不值善知識阿難於汝意云何爾時彼諸外道等豈異人乎阿難汝不應異意取何以改善男子此諸外道尼乾子等阿難今此諸外道於如來所生歡喜恭敬踊躍心以此因故如來今記得阿耨多羅三藐三菩提爾時彼諸外道尼乾子等聞受記已心大踊躍卽得無生法忍說此法時萬二

千人遠塵離垢得法眼淨二萬衆生未曾發阿耨多羅三藐三菩提心而發道意爾時尊者阿難白佛言世尊若有善男子善女人聞此法讀誦受持廣爲人說得幾福德佛言若善男子善女人一切無餘衆生界令安阿耨多羅三藐三菩提者若復善男子善女人讀誦受持及廣爲人說此經是人倍得福德何以故阿難此法能令得阿耨多羅三藐三菩提一切種智世尊若善男子善女人於此法及法師起惡心世尊彼善男子善女人得幾不饒益佛言善男子若善男子善女人超拔一切衆生日若復有人於此法及

法師起惡心是人因此事得惡復倍於前何以故阿難此法於一切衆生能作光明阿難白佛言世尊此法不應不信心善男子善女人前說何以故世尊應護後世諸衆生故勿說此法謗法業報故墮諸地獄中佛語阿難應說此法何以故彼諸衆生於阿耨多羅三藐三菩提卽以此爲因阿難白佛言世尊此經以何名云何受持佛語阿難此經名爲十法如是受持淨無垢妙淨寶月王光菩薩所問如是受持如來說此法時尊者阿難及淨無垢妙淨寶月王光菩薩并諸菩薩衆比丘衆及諸天人龍王阿修羅迦樓羅

緊那羅摩睺羅伽等聞佛所說歡喜奉行

佛說大乘十法經

見 捃
也 髮擊
刺刺 上次下戚
辣刺傷

上次下戚

當湖馮洪業募貲續鑄
法藏方冊願周法界縉白四衆咸滿
如來四弘誓海妙嚴性德究竟開覺願多生父

母咸被資薰證入法流誕登覺岸俾業乘願入死生不迷本性具足正知又願教誨出聲光迷紗見聞成種依正互融民風還淳永無災難

佛說普門品經

西晉竺法護譯

聞如是一時佛遊王舍城靈鷲山與大比丘衆比丘八百菩薩四萬二千得諸總持神通已達聖智弘暢辯才無礙三昧已定無所不博時有菩薩名離垢藏與九萬二千菩薩從普華如來國其世界名淨行遊詣忍界靈鷲山世尊遙見離垢藏菩薩與無數千大士眷屬圍繞遊步虛空佛心念曰斯離垢藏間別由路遠步諸國宣普華如來至真等正覺命來受普門品今當聚會諸菩薩衆于時大聖即如其像顯揚言

教示現感應令無央數無限世界諸菩薩衆尋時悉
來至斯忍土詣靈鷲山行到佛所稽首足下却住一
面靈鷲山中諸菩薩衆閑居宴者悉來集會禮畢却
坐離垢藏菩薩應時化作七寶蓮華其葉有千持詣
能仁如來至真等正覺稽首奉上啓曰普華如來至
真等正覺淨行世界聖尊敬問無量遊步康強力勢
輕履起居安隱多所救濟今見遣來宣承敬詣啓受
普門不可思議清淨之品爲開士說時離垢藏菩薩
大士問訊問訊畢退在虛空結跏趺坐與諸開士坐
寶蓮華爾時溥首童真於會中起更整衣服偏袒右
肩長跪叉手而白佛言善哉世尊願說普門不可思
議道品法源爲諸菩薩分別演之憶念往古過去久
遠世時從普門如來至真等正覺聞斯經典興立八
十四萬百千億垓三昧久逮七十七億百千諸垓總
持門行唯願世尊愍諸菩薩重宣揚之佛告溥首童
真諦聽善思念之答曰唯然世尊願樂欲聞溥首與
諸菩薩受教而聽佛告溥首若有菩薩欲學普門所
入之法等意分別遊入於色等意分別遊入音聲等
意分別遊入臭香等意分別遊入衆味等意分別遊
入網滑等意分別遊入心性等意分別遊入女人等

意分別遊入男子等意分別遊入童女等意分別遊入童子等意分別遊入諸天等意分別遊入諸龍等意分別遊入鬼神等意分別遊捷晉和等意分別遊阿須倫等意分別遊迦樓羅等意分別遊真陀羅等意分別遊摩休勒等意分別遊入地獄等意分別遊入餓鬼等意分別遊入畜生等意分別遊入貪姪等意分別遊入瞋怒等意分別遊入愚癡等意分別遊諸不善等意分別遊諸德本等意分別遊諸有爲等意分別遊諸無爲等意分別遊諸開士所可周遊一切悉備遊居平等具足至道是爲學人普門定法

佛告溥首童真何謂菩薩等意分別遊入於色曉了解色如水之沫而不可得不可護持無有堅固則爲等意觀無有色是謂菩薩等遊於色又告溥首何謂菩薩等意分別遊入音聲如人呼聲而有響應尋卽消滅則無形像不知所生一切無有若干之事而無差特亦無有相已了無相人所言者虛無無實已曉諸音深山響報則乃等觀是爲等觀遊入諸音聲又告溥首何謂菩薩等意分別遊入臭香周遊往返百億劫數鼻之所艱而無有狀如大海淵無有充滿其香之像而不可獲爲虛僞法無有真諦設求審誠無

合會處斯無所有而不可持鼻處無實恍惚若空如幻士化假使分明則無等觀遊入駁香又告溥首何謂菩薩等意分別遊入衆味至於喉咽不知鹹味亦無不味從因緣別其舌所甘猶緣會合曉覺無念則爲等觀遊入衆味又告溥首何謂菩薩等意分別遊入細滑其細滑者志有所存緣求服之其柔軟者而不可得已覩斯緣細滑艱執無所適住計于細滑則無有我亦無所有所依因著被服乃有所倚斯爲等觀遊入細滑又告溥首何謂菩薩等意分別遊入心法假三界人悉令集會立在一處使求執心莫知所

在不見形像亦無猶豫亦無合散不知所住現若干色於內無處處無所住如幻士化虛而不實則爲等觀遊入心法又告溥首何謂菩薩等意分別遊入女人察于四大則無女人識癡惑者迷於愛欲荒于虛無計女人者猶如幻士化現女像因彼所行從其所樂女人如幻起色欲意彼無有女癡者惑之能別如斯諸女無相解脫平等而現女色則爲等觀遊入女人又告溥首何謂菩薩等意分別遊入男子如令男子等自發意吾爲雄夫興念斯爲女人欲心無色無實可獲不見女像等惟諸色發起女想設所思想斯

120 1 2 3 4 5 6 7 8 9 10 11 12 13 14 15 16 17 18 19 20 21 22 23

男斯女等如野馬水月則無男女了男無形虛僞而立已能平等則能現女則爲等觀遊入男子又告溥首何謂菩薩等意分別遊入童男若如樹木設無有芽則無根莖設無根莖則無華實設無女人則無童子緣號童子想於無知覺女無生不有子性解一切無則爲等觀遊入童子又告溥首何謂菩薩等意分別遊入童女如彼拔樹根終不生其明智者不於求果醜達別誼曉發一切勇猛無想枯竭衆流斯爲童女了女如此所現平等則爲等觀遊入童女又告溥首何謂菩薩等意分別遊入諸天諸天嚴淨功德自

然其意鮮潔宮殿綺飾無造立者心樹妙華無下種者福茶幻化生無思議淨光流離滅度淨了天虛僞成立恍惚勝說平等現諸天像是爲菩薩遊入諸天又告溥首何爲菩薩等意分別遊入諸龍見無求生興雲七日雨所霑潤不在內外遍闇浮提漸歸大海所滿水所由來衆生如是學若干緣現種種罪福自然衆生無所有愚冥之人以虛爲實覩龍平等是爲菩薩等遊諸龍又告溥首何謂菩薩等意分別遊入鬼神心如門開與色有像其身高大心爲一類心不可畏難因會有恐懼見法無有實衆想不可議無實

1 2 3 4 5 6 7 8 9 10 11 12 13 14 15 16 17 18 19 20

爲空說平等寂而現鬼像是爲菩薩等遊鬼神又告
溥首何謂菩薩等意分別遊入捷沓和其法無往而
音說往曉無往來等說捷沓和是爲菩薩等觀遊入
捷沓和又告溥首何謂菩薩等意分別遊入阿須倫
不以事因阿須倫心等無起無滅無生而現平等是
爲菩薩等觀遊入於阿須倫又告溥首何謂菩薩等
意分別遊入迦留羅造受無受立辭名號設無名色
等觀迦留羅是爲菩薩遊入迦留羅又告溥首何謂
菩薩等意分別遊入真陀羅法無作而作則立真陀
羅分別無所生平等真陀羅是爲菩薩等觀遊入於

真陀羅又告溥首何謂菩薩等意分別遊入摩休勒
其法所名立若干人法無有所相爲虛分別諸想無
想自然說平等音現摩休勒是爲菩薩等觀遊入於
摩休勒又告溥首何謂菩薩等意分別遊入地獄地
獄無主空無造者從已想想無與所有地獄清淨鮮
潔無垢智覺如幻本無所有無相無相無所有別如
虛空平等寂然而現地獄是爲菩薩等遊地獄又告
溥首何謂菩薩等意分別遊入餓鬼餓鬼無形無名
本無處所因慳致之慳無所住不解所有計吾我人
知悉無本了無餓鬼是爲菩薩等遊餓鬼又告溥首

何謂菩薩等意分別遊入畜生如雲霧像現若干色
彼則無貌悉無所有心思虛無等如陰霧種種色像
畜生志性罪福如幻迷惑虛妄而說畜形等說寂聲
是爲菩薩等遊畜生又告溥首何謂菩薩等意分別
遊入貪婬欲從想起所想無有無實無像無貌無住
處不可得貪婬如空愚癡顛倒思想塵勞法無塵垢
欲虛如空至於十方求不可見貪婬無形愚冥貪懼
不得安隱無難懷懼譬如丈夫無獲懷懼怖捨馳走
得無見空一切皆空彼無解脫愚癡顛倒反造逆想
闇冥不解法如虛空去來今佛解諸貪欲貪欲無脫
愛想悉空其譏貪婬則求脫欲斯皆無本本自然淨
見佛道場平等無想觀衆如者彼慕離欲所想虛危
乃離諸想如所發念僥脫貪婬謂當度欲想無所求
不壞本際貪欲無思本淨如斯則不想脫假令度欲
則謂爲淨貪欲空無計此無二愚冥相二行者深觀
如幻是則失句發諸想念貪欲無起假號愛欲無染
著名諸名無礙知欲無得覩真究竟空不懷貪欲不知
見脫貪欲佛法等如泥洹解貪欲陰等離吾我知貪
欲寂等御憺怕平等欲陰見如幻化是爲菩薩等遊
貪婬又告溥首何謂菩薩等意分別遊入瞋恚恚從

對起因緣生對無我號我立無量事如樹木生結恨急毒聲自然空無想無有如閑居樹相揩火然因緣離散火滅不現虛無起身麤聲亦爾因欲稱量則不興恚不從聲起不虛內身亦不外來所由因空從他緣起因對而立各各分別則無瞋恚如風種過有恨爲慢若知方便因想立緣穢聲如是恚因空生恚還自燒而危其身別瞋怒想竟無形像平等察聲聽瞋怒音恨本際等無本無持分別法界則覩平等是爲菩薩等遊瞋怒又告溥首何謂菩薩等意分別遊入愚癡愚從無起察癡無有設無所有狂無狂冥人無蔽願無礙求空方面造愚爲虛愚癡人所行最行難獲諸法無明因想爲塵譬如丈夫欲度虛空億劫不得知空本末愚亦如是本際無愚議蔽冥不生塵無所成滿如度虛空不知方面亦無具足無能步度如百千劫習樂闇蔽彼無狀足不以飽滿譬如童子吹氣滿胞旋解口察無所有罪福如空胞而習於愚求不可得懷來欲謂愚無底斷根無形無根無住故不可盡設愚難盡斯不可得猶是衆生如幻不賜設有造喻三界生類日度一切令得泥洹佛壽住世億劫難計濟脫黎庶人不可盡因愚立種人界無想癡冥

如幻是不可得佛與愚等觀斯無二設能等觀則能
念道癡慧一等無諸蔽礙衆生羣萌等無愚議癡不
可計思念意跡其心無念無有邊際愚冥無限由是
叵得志性無明何從有起癡已不起闇冥何類如癡
無處佛道亦爾了無涯底諸法無二別聲平等等察
癡響了空一等愚冥如雲分別平等則曉定意是爲
菩薩等遊愚癡又告溥首何謂菩薩等意分別遊入
不善欲行無形瞋行無處不行癡行知衆平等諸塵
悉平得解虛無所有了淨如是是爲菩薩等意遊入
於諸不善又告溥首何謂菩薩等意遊入諸善德本

度脫衆生解不若干法身如空不合不散是爲菩薩等遊平等世尊說斯章句之頌順如應時不可思議九萬九千菩薩得不起法忍七十二億百千天人皆發無上正真道意三百六十萬比丘漏盡意解六千比丘尼皆發無上正真道意二千二百清信士千八百清信女皆發無上正真道意爾時溥首童真白世尊曰唯願大聖演三昧號菩薩由斯而致至德諸根明了聞是三昧所因名號則當獲得一切法明靡不通達而悉降伏一切迷惑邪見之衆樂一文字分別曉了一切諸文以一切文而了一文辯才之慧不可限量爲諸羣生講說經法分別曉了緣應法忍以一切行入於一相逮無量無限之義曉了識義四分別辯於是世尊告溥首童真諦聽善思念之今當爲仁分別本末答曰甚善願樂欲聞佛言有三昧名離無量垢假使菩薩逮得斯定普見一切諸色清淨佛告溥首有三昧名懷若干假使菩薩逮得斯定智慧光明覆蔽一切日月之明有三昧名成具光明假使菩薩逮得斯定威耀覆蔽帝釋梵王三界之冥悉蒙安隱諸天光耀忽不復現有三昧名捨界假使菩薩逮得斯定處於衆會蠲除一切姪怒癡病有三昧名莫

能當假使菩薩逮得斯定照明一切八方上下諸佛
國土有三昧名諸法無所生假使菩薩逮得斯定總
攬諸佛經語訓典爲衆會分別敷演有三昧名念雷
音假使菩薩逮斯定者言語音聲暢于梵天有三昧
名曉了一切應心所樂假使菩薩逮斯定者悅可衆
生隨其所樂而令解脫有三昧名無會現悅精進假
使菩薩逮斯定者現見無爲無有限數終始之惑所
聞所見莫不通達有三昧名無念寶德樂於世界假
使菩薩逮斯定者放諸神足施化衆生有三昧名諸
音緣會假使菩薩逮斯定者覺諸言音以無數字了

一文字以一文字說無數字有三昧名積衆善德假
使菩薩逮斯定者分別罪福興顯平等多所悅可一
切衆生便聞佛音法音衆音聲聞音緣覺音菩薩音
度無極音彼有所說亦無音聲有三昧名起諸總持
爲一切王假使菩薩逮得斯定分別一切無量總持
有三昧名淨諸辯才假使菩薩逮斯定者寂除一切
音聲言說皆無言教亦無響應無言無教亦無所有
於是溥首白世尊曰唯然大聖鄙身寧應講斯典之
功德乎告曰宜講溥首白佛假使菩薩聞斯經典而
不狐疑發心受持而諷誦讀其人現在得妙辯才聰

明辯欣豫辯深妙辯無合會辯常行慈心加諸衆生
無毀傷意所以者何設使憂念所作所趣奉行智諦
隨身未曾捨離爾時世尊讚溥首曰善哉善哉快說
此言誠如之意譬如布施獲致大富而不虛假持戒
生天亦不虛假今斯經典亦復如茲學致辯才亦不
虛設悉得本志猶如日光出照天下衆冥悉除斯經
如是諷誦學者懷來辯才靡不通達喻如菩薩坐于
道場於佛樹下逮得無上正真之道成最正覺菩薩
如是學誦斯經必得辯才除諸狐疑是故溥首假使
菩薩現欲興辯曉練諸法聞斯經典心不猶豫即當
受持講說諷誦爲諸衆會廣演其誼於是離垢藏菩
薩前白佛言佛滅度後其有受持諷誦講說斯經法
者廣爲衆會敷演其誼鄙親當爲寡解所歸使不狐
疑疾得辯才於時弊魔愁毒垂淚來詣佛所白世尊
曰唯無建立於斯經也如來至真等正覺常懷大哀
其有苦患施以大安善哉大聖願除我惑如昔世尊
初坐樹下處千道場今復重加說斯經典我今憂鬱
心懷懊惱甚於如來始得佛道所投濟時我之反側
不能自勝一切皆當得不退轉逮無上正真之道成
最正覺其有黎庶耳聞斯經聽音伏名悉當得道至

于滅度空我境界虛魔宮殿大聖撫育安住垂安興
建大悲唯見矜濟佛告魔曰波旬莫恐勿懷怖懼一
切衆生不悉滅度如來亦不建立斯經魔聞佛告踊
躍歡喜善心生矣忽然不現溥首白佛何故爲魔而
說斯教佛告溥首斯經典者住無所住是故爲魔而
說斯言吾不建立斯經典也至誠不虛一切諸法住
無所住不可逮得無有言教離於二事本際平等審
諦無本法界如稱平若虛空無適無莫真正無異今
經流布斯闍浮提於此天下當有瑞應世尊適建誠
諦之教自然空中音普廣聞誠如佛言至誠不虛佛

告阿難受斯普門品經之要持諷誦讀宣示同學又
言阿難八十萬四千法品之藏計比斯經典等無差
特所以者何無量之門法界諸要如來分別曉了衆
生解斯經典而成佛道然後講說八萬四千諸經品
藏是故阿難當受斯經消息將順諦持諷誦爲衆人
說佛說此已離垢藏菩薩溥首童真賢者阿難諸天
世人捷沓和阿須倫聞經歡喜稽首而退
佛說普門品經

音釋

溥首溥頰五切溥許救切以首善菩薩各也

鷗鼻攝氣也

恍惚恍虎晃切恍惚

呼骨切恍惚

20 1 2 3 4 5 6 7 8 9 210 1 2 3 4 5 6 7 8 9 211

卷之三

佛說法華經疏

卷之三

用五

不分喪 乳充切 鞠躬 鞠躬五岡切又音硬
明也 奉也 耽苦耕胡浪二切 誼 宜寄切
福茶 茶乃結切 健 堅堯切 健倖也 憂怕
萎茶也 也 憂怕 憂怕徒感切
尙也 安相揩 指丘皆切 胞 披交 困
靜也 慨摩也 切 不可也 益切除
鄙 補美切 禾濟 禾居陵切 懈也 离憐
鄙薄也 也 离憐子計切 痘救也 無適
專也 主也 又意所必從日 適無適謂無所專主也 適丁

九華山釋子本恩孫悟初
居士巴妻黃氏男天云施資同刻
佛說普門品經一卷計字五千一百六十四
箇該銀二兩五錢八分三釐
淨住沙彌契機對

崇禎三年春月徑山化城寺識

1 2 3 4 5 6 7 8 9 10 11 12 13 14 15 16 17 18 19 20

二
二十七

23